


卷二十之二十四



安吳四種

管情三義

賦一

賦二

賦三



安吳四種卷第十四

管情三義卷第四

詩一

乙巳襟詩

寒蟬鳴自稠棲禽啼不喧晨出望墟落抵暮無炊烟長夏既不雨秋末已嚴寒質賣亦略盡流亡日以繁災情既不達誰實下忙錢哀哉鞭撻餘舍命自投淵萬里誠金湯哀鴻抑可歎曰余雖孺子念茲憂如煎

聖君懷如傷視聽寄屏藩良臣致忠愛唯在仁化宣誰其念災黎馳傳速一言及聞賑緩

詔肉骨頌荒村

綵鳳飛鳴來五色斑雲霄赤野落哀鴻嗚嗚歎渥膏赫斯親  
民俟料人乘錦輅曰吁聽無譁宦况茲蕭條蠅頭良亦微勿  
謂肆漁牟居貴豈無心升階有遞高爪牙胡假威血枯股其  
骹入封塊作銀量小殮無朝歎息若貴人母念

聖衷勞願緩及微稔肥囊不若警

丙午春入江寧城見文武各署演土地會劇感賦

先生相吾民祀神致奠祐故歲不順成遂塞社蜡酌神律比  
課吏失職當自疚餓鬼哭遍地焉能樂笙奏去秋地盡赤冬  
雪尚存岫二麥浪翻處白骨無老幼子遺十四五手足面皮

皴活於

賑給者近復疫癘邁算到青黃交尚須百日後民災吏束手  
神亦無術救二月之二日演戲為神壽信矣杜陵言朱門酒  
肉臭

三世父假太岡寺居家嚴課讀口占示十七弟子和

赤地秋大稔春熟隔青黃遠舉雙飛鴻云何謀稻梁黃鳥有  
集棚白駒無食場君子幾在陳挈我適諸兄拮据備薪水講  
席借太岡我年十有二而初七齡強並作千里遊隨侍嚴君  
旁我母家哺妹養殮餐糟糠而慈况永謝父鬢欺秋霜趙至  
間叱牛捧書涕淋浪我而荒於嬉豈不媿中賜我苗實黃茂

而亦非莠稂而我衣食晏世父手足僵語而初亭午冉冉已  
夕陽何以慰勸勞努力希顯揚

丁未雜詩

建康評事街春燈戲灼爍三江賢制軍知與民同樂首縣勤  
報効飛籤梨園索聚其年少艾擇其貌綽約分班裝古事嬉  
笑兼戰搏自從興燈來視茲總洛度入聲觀者夾巷遠男女  
皆踴躍送至制軍轅前鼓吹作綵張春花空中庭垂珠箔忽  
聽忽馬來燈戲盡驅却滿漢民百萬閔然齊一愕雜以傳呼  
聲終夜懾心魄明晨詢標兵答言閩南堦縮舌復不言雙眸  
淚雨落

天南湧赤浪山立翻鴻溟飛濤撼江淮萬里鏗雷霆青雲方  
干呂海隅歌德聲干羽舞百年樞運三階平天吳爾何物出  
沒驕長鯨稽戮哀窮魚肝腦塗沙腥安得任公釣三權觀深  
情飄然浮嶠去綸卷澄滄瀛

月夜江行家君命和

流鏡落澄練開帆入浩素隔浦風悲茄扣舷衣滋露疏烟織  
平林明沙數棲鷺空翠沒層瀾遙蒼蕩寒霧聞詩即孔庭辨  
樹鄙謝句奇懷撰良辰慚誦東征賦

隱仙觀聽王朴山煉師彈琴

遙認隱仙觀獨訪王先生入門覺警耳滿耳皆秋聲高堂捲

白門游記  
湘水淒淒有猿鳴頓令炎夏日坐客心懷水吾師真隱仙此  
藝信無前他時跨鶴去應在洛西傳

留別仙人磯禪閣

古寺臨江立輕舟一葉橫詩魂依酒白禪臺繞棋枰雲濕朝  
簾重江流夜檻明不堪揮手去烟際望飛甍

題第一塔最上處

九級壓晴烟盤梯百棧連誰携謝眺句搔首問蒼天俯見白  
門柳酒樓無謫仙廣陵暮濤起飛翠畫寮前  
艤舟謁翠螺風利不果

欲謁謫仙去停橈不自由興迂波液潤夢鎖水烟愁星落江  
寒重螺旋石翠流應嗔汗壁語未許得重遊

朝發二首

朝發桑坑舖暮至寮嶺頭嶺頭一發望見我故山秋故山別  
四載晚烟疎稠問吾偕行人吾茲其夢不抵門叩屈膝驚  
聲問歸客門開見大父鬚鬢更前白二妹趨索兄道代苦相  
憶代見訝兒瘦抱兒淚珠滴二妹亦無眠寒燈對終夕

羣弟立或坐環我語言喧執手再回顧嘉亨今何存阿嬭淚  
泣然欲言聲復吞連年遭荒歉糟糠不飽餐以此若飢乏釀  
為瘴下患歸魄西蓋壠草宿霜莖繁炎夏月色黃或見新鬼  
魂小兒隱拭涕褰衣倚牆根近來時入夢索食仍呻吟我諸

白門游記  
兄六人餬口各散分諸弟亦六人嘉亨相頗敦齷齒飢已卒  
生也初何恩侍遊閱四年艱辛豈備論不謂四年間同氣有  
凋殘死者既已矣生者詎自完載諷北門詩憂心終殷殷  
遊鐘山二首

昔聞沈光祿願從息心遊今來北阜峻桂枝揚芬秋霧捲江  
樹薄一覽青徐收地脉結南戒流英鐘七州豈無草堂秀雲  
密緘名道赤巖綠蘿古鳥跡飛真留風泉瀉松澗萬壑龍鳴  
脩耳塵滌仙樂洗清潁流何當遇青鬟紫金經可求跪讀三  
千日一雪山靈羞石扇不我闢空望鍤霞樓眇彼樓中人萬  
里霜烟愁

萬帶作萬

懸崖若飛觀雲石斑蒼青苔暈遊鹿跡松濤鳴鶴聲香霧薄  
亭午隱隱見柴荆長鬚一老者侍童二娉婷了知是金仙再  
拜求丹經借我一卷書謂我骨寧馨以正則治國知奇乃用  
兵展之皆赤文駁禁不可明跪請授真訣輕雲觸膝生雲生  
忽天半仙樂飄縱橫

子夜春歌

子規啼起繡窻閒見說紅旗繞玉關寄語香風緩催信好留  
春色待郎還

代團扇篇

薰風入羅幃習習吹我魂良人惠携手巧笑如春雲春雲在



白門秀逸  
何許含情理新紉繡作乘鸞女引領晨風翰願借區區心千  
里承古懽匪美織文巧唯悲行路難何日入君懷得毋過時  
歎幸塵君筭中敢怨秋風寒齊紅甲天下微物寧足觀徒念  
惠綏德終夜思漫漫

登天下第一塔

浮屠一千尺中極斷靈鼉麗界金繩立登盤玉磴勞九成窮  
道力一氣捲神臯浴景遲文閣驚風早發旄拱流天闕翠簷  
轉海門濤鱗起秋蒼遠翳垂越霧高毒龍潛德水仙梵奏雲  
璈應照迷方誤降心見白毫

白門倚棹待月

長嘯白門樓北山高素秋蘆花風一夜空繫木蘭舟垂柳亦  
如昔青蓮逝不留倒瓶佳句歇霜月始應愁

雜詩

轉蓬捲秋高客心鬱不寫踟躕青溪上徙倚長松下浮雲滋  
暮色棲烟寒四野衰枝歸鳥疾薄浦去帆寡搖搖倦遊人誰  
與遣此者

月霽知野深岫高望未遯遙泉度風聲疎林棲烟色沈寂怨  
中宵殊響感疇昔妙物信為賞懷人良已戚

古朗月行

辛亥五月十四夜見月望作

震符借夕照桑榆懸玉鈞飛鏡來雲端皎皎明瑤樓五月陽

尚壯清色忽如秋但見圓影垂萬方無不周垣次何微茫庶  
星搖漢流詎須騰精化故知陰力稠啞啞南飛鳥能忘爰止  
愁精誠誰與鑿徒勞杞客憂憂勞竟如何惻惻成此歌

擬塞下曲

飲馬河西岸懸營塞北陁五行聽律響三法望塵形夜月迎  
翰電晨霜凍絳星樓蘭如可斬熱血報彤庭

紫塞颼沙暗旄頭赤焰明九天飛虎竹五將按龍兵百戰甘  
酬國三傷敢丐生如何留一矢竟為下聊城  
冒頓驕如虎嫖姚怒若霆銜枚乘霧月轉戰度沙漠風卷千  
營黑河流萬骨腥從他閨閣夢夜夜到龍庭

耀武矜雄畧橐弓尚廟謨由來深畏服不在嗜殘屠弦勁鳴  
霜月兵奇散雪烏何當遵土伐長此弛天弧

雜詩

春風薄暮起習習開羅衣明月雲間來皎皎窺空帷感此不  
成寐徘徊塔露滋坐惜天桃花努力修榮姿佳人在遠道薄  
采將何時願因北飛鴻寄君遲暮思

翟儀仲丈羣墓下作

忽忽過荒墓長懷翟秀才神期昨談笑文采竟蒿萊寒谷泉  
空咽衰楊葉自摧誰憐霜草宿蕭颼北風來

祖圖

白川券  
小子方成童嚴苦多疾返哺慚飛鳥空抱趙至泣蔬圃力可  
勝隣地幸有隙方開三十隊租之二斛麥依墻植山藥瓜藤  
緣之密蘿芥期禦冬躩莫永夏日采桑上村市朝夕無壅積  
差足供米柴餘以藥物書史幾荒蕪温故趁暇夕懼孤遺經  
訓非羨朝階客

撥灌

予圃托地高不易得水力山泉伏入村溝地何湜湜圃左兩  
石版省知舊溝蹟地勢比予圃低以七八尺揭石鑿小池下  
流斯可積取竹納池中屈曲與水射激水出竹稍入隊如潮  
汐機心豈能無俯仰總開蓋推此利吾民庶幾霸者澤

櫓上望水西

翠玉厥屏風秀色連城遠白雲如相待向我遙舒卷緬惟坐  
茅人神期一在眼言願走輕筠積慮於此遣

吾慕

吾慕魯連生被褐抱清真韜光終不發脩然自無塵片言折  
田巴隻箭債燕軍先名既排患行已亦潔身恥學鴟夷翁聃  
胝謀家珍翩翩拂衣去東海一孤雲

雜詩

待月出東軒遲客步南陔陰風斂纖雲而氣升薄埃芳麻展  
中期雲臺玉鏡開河漢忽如洗佳人殊不來虛聲謂聲咳隱

色想光儀其雨念徒結引領情欲推俯仰且自割無爲空徘徊  
水輪不可掇皎皎光塔苔俯察白露滋仰觀明星迴芳醕  
良可酌誰與伐金壘

改詩

余性頗近詩亦有學古力每於靜夜中諷詠徧千百平流若  
無奇深思求有得廬山參未真屏氣似不息如此三四年古  
人意可識譬彼山陰書芒角無偏側涉世况崎嶇一一練心  
魄詩趣觸世態岷嶴羅胸臆落筆翻奇艱猖獗殊疇昔迺笑  
昔猖獗真同蔭不擇亦或有志興蕪穉多傷格若煉刊陳言  
真氣浮奕奕雕琢當未安不覺廢眠食始信古作者此境

先我歷

刪就詩稿屬十九第季懷錄之

次韻三千日稿累六百首意若有深得不自覺其否事斯既  
肆力心始別去取語或涉靡浮意或傷溫厚篇或麗酬應斯  
態皆絕醜未忍棄前魚焉敢享敝帚斯如吾治圃培蔬去僵  
偶一區三本瘦者為僵  
一區二本短者為偶亦如穰苴兵斬莊試辣手吾弟今日  
歸嘉平正十九編題屬弟寫畢事十日後寫成我當祭與弟  
餽脯酒

別圃

種菜且一年諸菜頗熟習各種標新名一一皆相識父老憐

我疲為我設講席明日來園中便是路行客予性最鄙辭與  
菜情相得新雨土未堅足留故人迹長揖別無圃吾菜慘顏  
色汝何患無主暫別漫戚戚

來日大難

來日大難今當喜歡今日大難憂來無端昔遊東溟言謁赤  
松食我松子顏色常童孤鴻<sup>卷</sup>戢翼未翔挾矢共之失路可  
傷曰余爰止豈必嘉木念彼迷陽履之傷足飄飄黃葉隨風  
辭樹有如客心乘憂無處積雪在山內手如冰長劍宵鳴丹  
衷矜矜

宋文奕巖兵備贈裘褶袂禪絺衣各一襲帳被褥席各一具

機紬六端綿葛布各二端賦謝

志道恥惡衣聖人不與議賤子矧食貧家世遠羅綺使君知  
人寒念茲踵決履為備裘葛衣紬布及帷被匪言與人驕慮  
長布衣侈欲求性所安恐掩使君美尊者賜不辭却之或非  
禮再拜受重貺何以昇君子願公布陽春大裘覆下里  
鷄鳴篇紀同邑王氏事

露井上何有上有李與桃蟲來齧桃根李樹為蕭條異本乃  
如此同株反不如南枝日益榮北枝日益枯請陳阿仲歌阿  
仲窮無歸自分近溝壑不敢遂為非引繩泣入內泣涕共妻  
語我死汝即嫁鞠子或延緒妻知當訣絕牽兒語嗚咽今日

你爺死我你收其骨勿謂我你生遲你爺幾日兒乃大號咷  
走過告阿伯阿伯一何如高名輝序籍華堂開綺筵肅肅集  
豪客宰羊烹鮮豕金觴流玉液寒具間溫梁六博呼五白豈  
知兒號咷迺逢阿伯怒急遽來丐生非敢敗門戶阿仲命既  
絕葉屍出大路路旁有人來裘馬何楚楚借問來者誰乃是  
兒伯父頭上何所有紅纓爛生光足下何所見絲履五文章  
奚童鮮且整裾帶自飄揚借問何莊嚴赴講明倫堂我欲竟  
此曲此曲斷人腸多謝友于人千載莫相忘

孤兒行述翟氏乞者

孤兒沿街泣跣足履霜行乞食面瘦如鬼肢無暖勞君道旁

為酸楚孤兒生孤兒生命未為劇苦兒年似背上弟時爺提  
娘抱不知凍饑爺娘今棄我阿弟早遭此禍無柴無米詎養  
我弟嚴冬雪漫漫阿弟襖薄不耐寒并我破短勿謂我被霜  
風膚裂不完晨出望烟火君子周給我乞不得中心愴悲欲  
之他未知否可願得吾弟腹果願得吾弟溫飽長大孤兒下  
去地下黃泉見爺娘我無過

過舊賞碧桃圖作

萋萋芳草趁遊人絳口無言獨愴神一夜東風開未得仙魂  
銷處泣殘春

山遊

山僻知春好翠微樵徑深和風交麥氣老壑養雲心鹿跡留  
苔淺松濤出谷沈此中間犬吠接響任幽尋

反徑偏環麓陰陰竹幾莖深雲通鳥語高日聽鷄聲花過山  
逾靜心閒夢覺清倚林間牧豎借我一牛行

樂遊不可極於此淨名心隨水未宜遠入雲始覺深烟鬢自  
真色風竹和長吟堪笑東山客功成待棄簪

月下

今夜一輪滿清輝萬里心應憐懷遠若共此寄愁深烟濕鬢  
香怯階寒屣暈沉徘徊人不見花露瀉重陰

禪院贈友人

行吟感招隱遠步到幽山鶴羽留松杪龍聲出竹間雲來琴

牖濕鐘靜梵僧閒嗟我猶饑役無能樂閉關

宋文奕巖兵備贈裘袂禪絺衣各一襲帳被褥席各一具機

紬六端綿葛布各二端賦謝

志道恥惡衣聖人不與議賤子矧食貧家世遠羅綺使君知  
人寒念茲踵決履為備裘葛衣紬布及帷被匪言與人驕慮  
長布衣侈欲求性所安恐掩使君美尊者賜不辭却之或非  
禮再拜受重貺何以畀君子願公布陽春大裘覆下里  
奉同侍御學使戴丈可亭侍讀沈雲梧編修汪靜厓遊采石

山

驄馬解霜威金閨凝珠液懷遲嘯深雲挂席發白壁河堤楊

含花麦隴雖整翮在宥萬物昭得遣寸心適翠捲接天陰古  
松森寒碧飛露若輕梅散落江城笛凌波瀾娥笑蹴瀾陽侯  
踏想見控鯨人散髮雙顏澤十步九太行個儻志不易卷身  
扶浮雲龍泉竟何益賤子本鶯鳩棲枝借喬柏旅百既醉酒  
函文亦飽德鑿行些燃犀作言笑擊指末座珍今懽中飲知

古惑

太白樓觀蕭尺木畫壁應侍御學使教

絕巖開闢雲澄蒼茫辨越秦捫蘿逢翠髮應是遺書人奉出

匹練飛雲疊銀河落玉京冷霞人不見誰為紫烟生匡廬

高掌擎丹谷玄精運石臺茅龍漫相促遲爾玉蓮開華岳

底事猿聲激蛾眉片月高綠烟搖蕩處萬里照宮袍峨眉

奉同太宰節使朱先生和郭景純游仙九首次其韻并序

神仙祖老子而其言曰死而不亡者壽則不死之說蓋虛

或又謂精功成神伏氣得仙夫言巖廊而慕山林湖海而

懷魏闕是俱有不得已於中也太宰德厚政成游志清虛

列仙之趣深矣鍾氏所貶蓋無有焉奉命同作輒述鄙意

反經足興民好辨徒栖智哉漆園叟竭來潛蒿菜中犧憚

白茅化蝶怡丹萸觀妙治駭躍搏空雲垂梯鼓盆饒靈匹緣

督御姪妻肯作岐途俟踧踖求亡羝鷓鴣善吾生素絲斯可

齊

東訪滄海君坐有年少士進退艷光儀坐人玉山裡云何遊



白口秀道  
地上心未化孺子遂與人家國躡足復語耳炎漢良已造溝  
壑蒼生起將母谷神勤赤松顧而齒始悔十三年空為黃石  
使

紫閣秀青霄亭午義輪鮮虛巖發清嘯猶疑鶴駐山土室鑿  
雲根咏風揮素弦俯仰遊八極飛輪馳弱泉玉寫甯誤奏蒼  
蒼求蜃烟出入無窮門揭摩廣成肩厭世疾不稱寄語王子  
年

拔宅騰太清嬰兒脫遷謝帝曰余汝嘉為卿舞韶夏笑彼晉  
相國違心終不化仙傳遊追遊娛雲隙翔鶴駕迴首見妖氣苛  
政蕪編舍手援無斧柯憶昔轉悲陀

周王乘日車追風薄四遊湯湯既西瀾戴勝屢棠舟觴開買  
雷笑飛瓊三百投珠雲曜不昔琪樹華無秋一聞祈招歌淚  
沐丹顏流

昔觀葵縣上王生曾不笑躍出五色烟招我遊蓬萊廳爾借  
羽翰簪臂凌丹臺瓜棗奏瑛盤玉膏流霞杯慎毋逐陳人耽  
耽顛其頤言念敦三節焉能起九垓俯首問初心不敢失提  
孩多謝投真訣慚我殊丹才

卓午日昃影索震月生魄人生抱冲和一如果受采白暎言  
周德者歲寒知松柏大夫與役人逸勞類夕夕畔草逐風偃  
弓角及春液不見郭山顛鑪鼎餘蘚石誰憐散豆姬徒悲化

龜谷

括坤<sub>且</sub>奠天台步<sub>瀛</sub>學<sub>及</sub>方丈孔牖六濁人到茲五根朗碧  
童雙雲鬢峭巒發妙響跪求紫金經仙書見存想一都理運  
轂五岳圖歸掌七寶自滿堂三清可恣往王母垂雙眉顧惡  
衰有象遂投極樂國聊解微塵網

駕言望東岳日觀<sub>盡</sub>如頽但見九約伯鬢鬢怵我悚爾胡樂  
淫刑鬼哭聲如雷血拇竟逐人<sub>駸駸</sub>何日迴念茲再三咽長  
嘯獨歸來終留一隻履虛步躡雲堆鳥飛任武數鵠呼從阮  
哀

將<sub>赴</sub>布政試書懷留別太宰<sub>司</sub>疊游仙九首韻

諸葛南陽卧安石東山樓霧深埋文豹亦云終草萊橫流在  
一振籌策敷春蕙汗青垂末照望如天不梯范生泣賢母王  
子拒拙妻與孺首孤竈貞羸角<sub>歎</sub>尚志友古人嚮往心思  
齊

先子誨其孤有恥乃為士汝父行可師學在一表裡文藝亦  
已末况效紛華子方人授等身襦抱初提耳禁發術三省任  
重裕一起勿持穎慧質翹與曲儒齒須慕第一<sub>且</sub>流道<sub>左</sub>指  
仙使<sub>丙午太宰主試江左得望眉宇</sub>

旅庭學詩禮豈意民成鮮遺書半未成逸響絕高山墜曠誰  
與發操縵無安弦哀哀魂夢中涕下如流泉<sub>森</sub>風<sub>不</sub>弄樹返

白  
魂無駐烟聲顏豈不懼心碎  
遑能有痛哉手澤存逝矣駒隙  
年

夫二夜惕號剛柔恤代謝玉衡麗繼明金祝姬仲夏鯢懷斷  
罟德鯢擾烹鮮化魯女不食葵倚柱思逸駕目營任起壑術  
信川決舍終秘荷筆辨冀免牽羊吃

樵采媿盧力米負從仲遊送蜚咏猛虎陟北甯歸舟喪牛義  
翼垂彈缺交石投海若坐運化百川爭灌秋濬距漕瀆派朝  
宗滄溟流

注飲北溟渴拔豪中山災上宰策精思彈指現蓬萊半千應  
名世尺五聲蘭臺取將下天孫為酌流霞杯羽輪駕不發眇  
眇媽其顧古帝幄庶莫遲君遊雲堦懋和勅若保耳目注皆  
孩媿知綏猷力不善罪非才

凍絮融玉馬温萋躍虎魄非親君子光曷由不浴白知止信  
邛隅懷我瞻喬柏奕光復旦惺惺靈不夕身教模人倫雅言  
傾玉液始悔溺延絲未知諧變石志持憂奪帥氣生慕逐客  
三日汗浹背六旬席函文律調生黍温燭凝窮髮朗義問聽  
無聲辭達擲有響事師服斯文科第豈吾想修己瞻成人酬  
知措運掌篤志慚漆雕形辭神獨往雖受金仙訣未足徵龍  
象自信非寶寶樹無為慕鍊綱

芝蘭空是遠馨香漸蕤墮從善如登念此恐永懷露珠警癯

白門送別  
鶴雲峯收薄雷兼葭白門樓水月交徘徊道渚盼鴻飛衮衣  
東國來薦鉉媿膏膏實調燭昭窪堆願終保素絲不貽鉅子  
哀

阻風登鵲起磯

鵲起截江起走勢欲廣橫渡迴瀾捲日寒氣沒陰陵樹輕策扣  
苔根曲逕穿雲路翹首摩殘塔蹉身眺層霧鏗鏘石鯨鳴出  
沒豚魚怒老僧赤足來坐我說無住形勝在必爭穴借長鯨  
固指顧瓦礫開礮馬凌虛駐俯仰感今昔興衰等鈎注漫愁  
長風阻轉滋浮生懼

皖城卽暑拜別太宰發楚程

趨皖謁太宰命作南楚游南楚足江山詩境助冥搜唯爾詩  
骨騫皖士莫能儔精勤功自知唯余日拭眸責實況盛名副  
言無易由克己以恕人道不在遠求記余臨別言內外多優  
游再拜卽書紳含酸赴修舟

祖舫齋承宣枉顧酣飲終夜卽席占呈

孝感粹告變公獨鎮武昌制府策戮囚羽檄馳蒼黃祇知監  
劫獄未暇別亮良燭下公接檄手書何皇皇分飭首郡守黃  
州及漢陽立提千囚徒齊集承宣堂執訊兩晝夜脅從悉免  
戕後此忽流言賊黨潛渡江二萬城內伏二萬城外藏約期  
夜舉火合城民恐惶至期火果發弁卒乘城防公獨督城出

救火仍如常群吏跪曳輿勿出輕冒傷公叱謹守門竟往嬰  
機槍城外民見公踴躍心遂康入城及鷄鳴演劇傳伶倡云  
為封君壽縱觀民若狂密遣守江渡渡口察迎將靜機不可  
測樽俎折賊芒以此護黎民上邀

天子慶百里半九十求士篤尊光為政有體要公誠能攬綱  
况觀飲酒豪觀態徵德量願更進一尊與公譚秘章龍泉帶  
腰下三載韜鋌果試剴斷功吾軍斯足張中飲間蜚鴻寥  
廓媿高翔

三月十九日贈別豐城傅布衣臥雲應經畧辟入蜀

世紛苦不解嘯咤竟何求逐崔丈夫志豈在杜封侯媿我二

千里來從文字游楚北糜爛餘山川為含羞何幸識君子武  
庫交森修即今西去楚持石巴江投詎誰跋珠履實同蒼生  
憂贈君以一言謹慎為遠謀示象未忘戰金木刑旄頭水距  
金南尺赤焰交芒流庶星光搖搖魔劫何時休

神武作新民逐奔誓依周積甲齊能耳咄嗟漢有儔長子膺

錫命能擊英雄歛敵國矧孟亞夫獲同仇受書黃石喜論劍

白猿愁行戮鑿齒殲綏脅瘡痍妖星二十四經畧奏明川

股能以井翼留千載笑書生畫餅涎飢喉再振傲儻勳揭此

布衣游肯作兒女別契濶怨衾稠會當射聊書爭我五湖秋

早發漢陽縣

假寐漢陽縣驚見西牕月市闌晨未闌征人問早發狂瀾流  
漲漢重岡崎大別險設爭不忘神禹功焉闕草木腥迴風颯  
颯吹戰血千年剩薑壤誰識英雄骨近歲况妖民鄰域聚草  
竊衣帶郎官湖遂免萬家厄

丙辰夏孝感賊欲躡漢陽以湖漲不果渡

蔓延借四

州荆豫母乃用師拙抑聞

天德生明井不明鉞哀哀索命魂銜冤竟誰說亂久恐民危  
司牧惠期實數饒從而愛至理不可忽衛霍多金盤悖入亦  
盡出兵燹有遺黎緩欠本織忽何必問追徵兩稅知力竭割  
雞飼化鷹杞人五內熱唯覩麥欣欣同憂顏暫活  
奉和陳祭酒學使由乾鎮驛趨天門韻二首

鷺飛倦雲際輕梅落晴湖振振點微波散入楊花無何處鷄  
犬聲知有幽人墟疏籬昨夜雨曾否花事殊南山青松烟抑

聞驚催租君子故勞心非榮馳傳輿

原詩盛稱田間之樂故云

隄上誰家婦驅犢犁春雨急呼田中人街上傳新語

朝廷念艱難今年徵緩舉寫入使者詩風人思如許况聞大

造德跳梁救饑鼠長子議撫給日計米合五

經畧奏人行條例

不作非斯吾誰與有道賤且貧清夜心自撫

潛江縣

山遠沒晴烟蒼蒼到郭前雨新多刷地木古尚中天流婦野  
炊石窮者路乞錢危民看失所發政竟誰先

自明券遺閣文  
堠自竟陵劃干戈乍息時上街氓抱布晒日米調絲粉乾城  
蝕苔紋古烟留午飯遲此中有豪士奇績土人知

楊家嘴却寄舫齋承宣

漢川雨徹宵晨發苦泥渾出郭行半日路借雙槳勁夾溪垂  
楊深人語綠烟定和風送飛帆百里入天鏡村遠疑舟浮烟  
島遞潛泳古木滅原蕒虛雲絕鳥徑直疑水霧天頗愜蛟龍  
性怪非圖記地母乃蒼生病腴麥十萬畝淫雨遭泥滢豈唯  
隴畝失庭臥鼃鼃靖去年雖有秋獲穀俱蝗剩今作神君館  
人魚地交競准災兩稅緩否則舊欠并欠課輸固當餓葦不  
遑更大臣計盈絀先在卹民命愴我樂水懷不覺涕橫迸

過潛江懷人

昨歷潛江北今閱南郊外南北皆安堵朱君奇功在朱君何  
桓桓四十多幾歲稜稜數莖鬚面黑身長厲有誠是其名必  
亮是其字京山武舉人寄潛籍閱世城西三十里村名曰上  
駟朱君桑梓情朱君踐食義艾賊朱君勇驅人朱君智三年  
之三月川東兵失利賊遂出房陵焚掠漳漢瀨股數亦不一  
五萬十萬大南漳又來南五日沙洋次沙洋抵潛城四十里  
而至朱君號其鄉二萬人隨臂器械亦粗有行伍即宿肄宵  
出過賊鋒甲首累百則生擒六執旗揭首潛城示初賊隔河  
屯見君畏君驚君馬疾如鳥君刀飛如翅賊忽上君馬賊足

見君背腰下鬪髀血累累射赤隼所率二萬人皆伏歎不置  
後賊逼長湖不敢犯潛界激衆欲爲長驅追殲進賊類督師  
竟掣肘以不遂厥志賊乃趨襄樊并股復振勢億戶頓灰燼  
至今瓦礫穢賊熾功亦多花翎何軒輕朱君視浮雲魯連風  
不墜近况聞督師賞功頗後悔出沒賊不常團練食不繼誰  
其如朱君大義壯士氣聚之則貔貅散之仍樹藝能收保障  
功不受橫決害宿昔仰英風竭來詳實事何當與君子畫荻  
譚金匱

江陵

荆州用武地西扼秦蜀胸叢陰秀殺曠曠生雄風丈夫有失

足豎子無奇功我來後千載空此哭英雄疆事况多警悵然

懷文忠

謂明太師張居正

謁大廟

廟即幕府舊址

神力周天地荆州廟更尊建牙猶舊府守祀有文孫賜礮聞

垂臺

丙辰賊興荆州無守砲

神示臺於馬廐掘獲礮九

錫名曰神賜大礮揮戈

見關門

戈申江隄崩水沒入城居民皆乘屋見綠袍人蒼生

仰保障鄰域賊烽存

發松滋雨次宜都

漢陽越江陵千里郊原蕩松滋一夜雨洗出萬青嶂成邱更  
巖壑接武變偃仰初訝入谷底忽覺出雲上峯巖排雲危江



白門秀漢陽  
流撼谷踴峭整行心怵踏蹶輿人愴終朝苦泥滑亭午復霖  
漲跼身免成翁散蹄馬亡壯慘澹濕煙澄隱見陸城張侯館  
人皆疲指呼神不旺一雨山行艱半日物力創况懷兵革交  
終夜心悵悵

張正謨鼎傑人前年據邑之楊山為亂

### 夷道途次

宜都被兵燹疆域亦依然溪渡橫初漲峰晴帶舊烟迴岡低  
夾路繞峽曲開田誰郵災黎命輕軺問麥年

三載楊山血遺黎半落魂谷烟誰煮石茅屋不成村挑麥女  
歸柵飯牛童閉門昨宵聞嘯雨鉦鼓為聲吞

### 有萋春草

有萋春草偃我露階不悅見之亦孔戰豺趨趨蝨斯潛潛維  
擇眵此鳴蟬念彼黃雀邁迹惟終孰違詳聽豈不克庸東土  
肆命米非履霜幹非引綆母離令名乃念骨鯁容光必照唯  
德乃馨者無魚潛臯有鶴鳴式臧式穀式慎機樞寵辱若驚  
母效馴狙君子擇樹春陰秋實纏牽燕足曷由楚秣匪數速  
疏匪止去辱遠媿舍從近孤耳目

### 奉同右參贊渡江次韻

天上来荆江怒不洩峽口一夕震驪睡千里亂鼉吼曲追蕩  
山罷平聲旁奔翔屋郭邨茲橫流神乘爾惡風以欲擊祖檝  
前無恙殷帆否流駛側舫截風驚殺蓬受勿謂夾蛟無不必

白川卷之四  
燃犀有維主忠信亨足涉波濤厚心戚忘遇坦神夷失境陟  
靈長用先五行尚孚中九識將東山謝養豈北宮黜觀公定  
力勝不負虎竹剖况聞洪波咏劉生城不守

蛇見退過數十步至鬼愁

山椒鬼見愁山麓蛇見退蟻緣折疊梯出沒雲內外夾巖危  
石拳百丈不見臂上返和仲驂下拊豐隆背頽垣三五堵瘦  
麥百十穗人古若毛公鳥尊皆望帝朽石澗細流滑斷猿狖  
隊山君游蹶踏哀嘯怵徒輩雙纜挽輕輿湍洄泝峽對豈伊  
叱九坂巨道不可悔始悟蛇存身一退了諸礙

安吳四種卷第十九

管情三義卷第五

詩二

紅孩卡

連峯絕雲路一經開中文地名紅孩兒設卡禦賊黨賊果緣  
山來攻剽莫施仰撤兵近二載卡址未全蕩餘孽尚谷沈觀  
茲心養養

馬難坡

仆口鑽天地名在馬難坡東十五里最險過遂卑紅孩卡誰識馬難坡所難  
却在下隧風谷如掃印沙蹄皆赭百重壓峻嶺五里開平野

境累高極雲往無不復者陟嶽已傷人下坡休問馬

望歸州

峭峽夾江天荒城嵌峽烟流香妃嫁後名勝姊歸年黃綴山  
椒麥青薊石罅田青黃皆朽氣早晚慎郵傳

午日渡屈沱謁大夫祠墓

午日屈沱渡空舲咽不流美人不可思楓夾墓門秋

早發歸舟緣峽行亭午止中石門眺鎮江閣

伐鼓震夾峽百夫牽扁舟肩輿道懸崖尺綫縈江流水瀾迴

黑蛟山石眠黃貅五步十跬躩一蹶千生休子規叫冥冥哀

猿嘯啾啾麗畝汗散雪複澗霜凝秋石門鍵岸斷江閣鎮雲

浮辭州四十里半日聊淹留扳閣梯滑苔巢先蛟宮愁暮氣

三巴來蒼茫不可收明發更西行永為東流羞

召堡

戰罷麻湖險功爭召堡高有民餘板屋無隴不營濠燒樹種

色穀鳴金鋤附毛音附子土名流亡初自植莫忘致鋒勞

麗畝高埋馘居人指翠空未宜觀壯遂落保障功垣總頽飛

礮氓多散舉烽萬山遮月黑幽壑轉燐紅

天將填壕下圍姬正賭碁法雖信斧鑕鯤已餌鯨鮑富室傾

歸子驍軍沒養兒神氣終覆卵盜賊爾宜知

長楊首逆秦加曜入巴東建始七大將駐兵召堡累月賊屯麻湖去召堡十里俯視歷歷及額候至領本部乘高壓

戰退剽累捷先長湖有富戶逆委與聯姻後逼為餉主又  
遣其黨事宋恭將為子斷其馬臂不得走擒之陷其軍於  
天諸逆尤為奸黠後有歸誠者導  
兵壞壘入逆擁五手談急出帳指揮眾莫應逆告其眾  
令盡散手刃五以  
紫紗裹錢索就因

雨行入建始道

山深雲不乾壑遠霆轉迫俯仰重罔繇瞻顧變昕夕雲低摩  
天柱霆高導地脉青蒼氣趁人湧墜雨如墨江上來蕭條山  
中集淒瑟烟沫螺鬟青流掘戰骨白取道沂瀑布接武陵怪  
石如通箭栝門懼點呂梁額歸版本苗疆候氣猶殊域帷車  
襲紱纒五月寒無色戡亂况新更表堠梗舊轍數險戒王君  
尋山匪謝客自非驤首豈為假鴻翼回首路三千倚閭嗟于

後

余本

余本伐檀者坎坎清河湄勿謂寒心女竟受朝饑欺碩鼠自  
食苗朶頤窺靈龜息壤軟如忘市虎一已疑白圭豈不潔青  
蠅易為緇芳桂尚不采惡木况無枝丹橘移淮北化枳辱場  
師寄語遠行人石見空離離

歷成營紀見用鮑參軍苦熱行韻

巴山峻千仞萃茲夏日威嗟爾遠戍人何日賦來歸火雲盤

沸聞峽中水旋至廣涼颼避裂圻月入峽赤雨經磧已晞章

卒分并伍列幕域十圍苦樂知炊烟瘦黑思曝暉宵憇就純

茅朝饑貫寒衣肅肅蝎或躍營營蠅不飛舉足無全蕢履沙  
有焦腓死則就命正生猶熾患機踐土

思既重防邊力亦微賞薄豈足論忠義士所希

兵書峽

下峽飛權迅罔密不延妙耳目變瀨湑崩更奔聲奇峭平壁三

十里長年忽我詔是名兵書峽神師藏劑約壬年誰得者風  
雨隨叫嘯至今雲霧間楮墨時照耀余幼聞斯言到茲更嗟  
悼妖術惑黔黎奸人煽桀鷲豈知死民信百勝唯忠孝權家  
余夙嗜頗識丹書要氣機設輕重地力輔興<sub>(空)</sub>和民能孽賢  
餌豐乃利釣天官及風角馳謬多譏誚詭道古有作詎謂誤

不肖子房帝者師豈伊黃石教鯨鯢空齒劍嚮邇母原燎破  
壁釋民愚矯首真宰告

廣福橋

亂後思名将當年拔幟迴民新花縣治山舊竹王開望歲移  
星使巡郵認劫仄一尊供法酒真自賊中來

翹首一章

翹首問月亭慨然懷太白有詩何必佳出口無德迫充隸三  
四年畜鳥三千翮出峽囊離頭宿湖枕白額頗能題畫鷹亦  
解譚中策終愧射馬風况攀送鴻色自登時相堦無復荊州  
揖請看手版書東海釣鰲客

哀竟陵寄舫齋承宣

時承宣已被

召仍履勘水災

朝帆發章臺暮宿開睢口百里浩波瀾烟水滅蒲柳河道舊  
云窄怪問看魯婦聞語先啼欲答咽復以六月日初七襄江  
隄失守潛汚及天門隄田億萬畝隄崩水如雷白浪封戶牖  
骨肉各趨生兒媳背姑舅小孩幸固歲頃刻不離肘家產籍  
神君捕魚活子母魚隨南風起饘粥尚可取近日北風多兒  
啼已無糗蘆棚依薄洲寢食蛇蟲偶於今六十日水汎力仍  
厚昨聞

新聖君特諭大臣某勘災告實情饑溺如身受但恐賑到時  
難民骨已朽又恐安集難流亡終十九熟田偶被災荒棄遂  
澤藪三載被兵火耰鋤少着手今年差治田灌洪伊誰咎視  
我湖北民天如不克糾兩月髮不櫛觀客遑慚垢聽此再嘆  
息斧柯竟誰有

哀梯歸

連日望桑榆有氣如死灰又如赤杵衝翼摺千里來八月初  
五日歸州聞賊至急探得其實去關才五里官吏驚無措奪  
舟避江隈居民半明昧飛礮傾櫓臺後仰千丈山前俯萬仞  
谿孤嶂懸峽間一綫路縈回老弱齒刀戟少壯磯崖墮屍壘  
聞不流澗血奔鳴雷生途十無一萬室遽燼煤賊股入楚三  
一由興擾歸興山駐軍門賊亦過其治令人千里外存沒俱

白門秀法隱文精  
疑猜數日絕真息蹂躪更不知南漳荆襄害聞多伏瘡痍兵  
勇拔營卡望風盡反馳終此賊罔俊生道無由開始信保障  
功浩懷頗牧才

聖主已拊髀蒼生猶降災卷身竟何言唯用紀其哀

西樓古梧南枝六月中為風折

古梧高十尋兩枝抱我屋當我別春暘及君陰未綠君招火  
雲寒客集焦烟酷薰彼新秋陰滌此風塵日入門急問君見  
君驚偏祝北枝數蕙焚南枝嗟松獨匪用諧宮商詎由聞鸞  
鷲唯君中直安易為螻蟻辱長風六月來摧折亦何速折梧  
枝尚可毋損楚民穀師旅乘凶年引領望秋熟

懷友四首

豐城布衣傅臥雲

布衣三十載燕趙徧經過說劍須眉舞論交屠販多之荆真  
孟浪入蜀更如何好射天狼落匡廬老薜蘿

陽湖秀才毛洋溟燧傳

洋溟有傳志水聲齒出飛霜皮裏陽秋盛山中松柏長春暉  
猶涕淚秋髻已梧楊寂寞千年事名山發石藏

歙秀才程蕉雲川佑

巴水奔三峽狂才羨汝飛只無春苑柳張緒想依依暑避眠  
同席賓知出易衣夜郎山絕險記取夢來稀

同邑秀才翟太虛金蘭

三十年狂客雲泉負此生青門瓜不熟白眼醒尤明  
敲却鷓拳老傾田鴉舌驚只應黃戶部左詩敵早行成

別昌武

遠游逾千里匪云必有方筆表代牽牛詎致洗腆慶登高望  
白雲白雲自飛揚况驅巴夔郊馬塵驚櫂槍昨夜玉輪寒故  
園此清光弱媳侍慈姑念客歷星霜自古尊膾思遊子熱中  
腸豈為玳瑁夸不懷杯炙傷回首黃鶴樓鏤笛聲不忘苟非  
夙緣深吳楚故殊鄉君看南鄉雁六翮輕蒼茫整翮去中澤  
橫絕再回翔

揚帆下赤壁越樊口

即西山上有晉陶侃讀書處

遂達西塞俗名道士洲

赤壁記前遊寒曛帶客舟訪遺尋曲磴謁像拜危樓  
劉石龍蛇盤巖虎豹愁汎濤今縱權烟樹認黃州

坡老尋梅處山溪間夏寒更誰懷運甓結屋白雲端連歲妖  
氛降蒼生血未乾樊山形勝地方面慎儒冠

西塞鎮全楚橫江鏢下游當年經百戰山壓陣雲愁洲渚况  
多盜宵烟警柁樓水師須日戒三峽正防秋

江上望匡廬

尋山仰齊雲揚帆俯澄練雲虛練影寒帆轉山形變烟紫火  
雲朝鏡白月船晏九疊洽隱淪五老憇歡宴心與霧窟遐迹



白口秀道隱文集  
非風遠便緩此存鄉存鄉憤鬱吾蘊真戀矯首高蹈入神期  
若可見永當雲松巢終息榮利戰

入皖境却寄楚中遊好錢東湖賦

猛虎多苦心艷歌益愁思愁苦非一途情以思歸致幸洽懷  
土枕復予樂水志尚怨東流長不覺歸帆易吳山見青初楚  
塵化素未古節雖夙之越鄉憂已堅回首念君子老病孤舟  
繫濡迹荆鄂間能無霜露勤草堂賓白雲日待詩人至歲晏  
風雨愁應詰王錄事

謂楚北當路允為  
東湖謀歸資者

泊舟皖城奉懷太宰朱先生

時已丙名

九爨歌飛鴻甘棠咏拜枝周民仰樂豈皖士念命提倚權望

省垣登臚見節旗城郭信如是函丈空瞻依啟心

命老臣能遂穎川私

哀職豈有闕

躋敬思格非嗟余舊親炙未能戰勝肥道雖若大路自擇易  
途歧唯公吐握心令德日崇輝羈旅易荒落何以報公知

卧病懷舫齋

朝議今奚若牛衣鎮日思孤軍完半壁一字拜餘師風鑑予

奇中

客冬相舫齋當有幽  
蘄之行至今秋果驗水接

帝特知虞卿書漫著尚慰醜壇私

舫齋解任赴京  
楚民徧為祈禳

雜詩示十九弟季懷

白門游送陸文藻  
余於書最拙執筆能縣腕飽後親硬黃聊使塵心緩舊拓楮  
墨香啟匣龍蛇斷於中吾尤愛神龍蘭亭本畫贊亦超然俗  
刻皆奴算日仿此二刻捨鋒出趨管久久覺芒角有如純鈎  
刻迺視近人書大半沒平輒求王雖不伯或足固閉鍵又復  
勤摹追直縱曲有轉覆毫抽筆心鋒常畫內展抑悟布九宮  
非必盡捺滿有神任形空母作秋蛇縮苦無暇歲月進與臨  
池選舉事求過人斯病吾不免請為歌毛詩甫田齊無田

擬古三首寄翰風

皎皎雲間月流輝燭幽房中有懷春女撫弦歌陌桑誰謂瑟  
和柔增我慨以慷義心多苦調長歎不成章整襟步重階俯  
仰思傍徨清露濕蘭林衣袂皆芬芳所思千里遙悲嘯若懷  
霜寧嗟蕙草之子憂無裳

悲風來萬里白日垂寒陰暮色滋川原出沒浮雲深撫劍欲  
何之索居懷所欽堅水塞洪河表雪暗高岑豈敢憚艱險獨  
傷失路心念彼南山安憂思浩難任

山川出雲雨河嶽多靈異趨舍非一途丈夫重意氣混混歎  
山川鬱鬱傷澗底誰恃雲外翮自損腹下毳去矣梁楚郊獨  
從劇孟醉風塵千里黃荆棘走雙騎空廬日抱影日夜不能  
寐老農晒銀邪遑事問仲蔚

禪室四懷詩

峽布衣陳仙圃

中州有布衣沉勇深冷淵臥雲述行誼卓爾信英賢惟幄推  
櫂捨庶幾靖塵邊試可桑梓邦耕鑿頓安恬敵國知求孟賣  
塞豈聞田恨不與布衣劇談金匱立寄書與臥雲勸我早歸  
山感君知我名千里示真詮余遂秘商歌願君長策宣終此  
保障功雍梁銷幕烟誰知府主換君若星流天矯首望嵩嶽  
五色雲連娟

豐城布衣傳卧雲

己未三月杪君應經畧辟蜀事仍勸勤知君久他適別君歲  
過半不得君消息不識匡廬雲曾臥冷霞客憶我初見君日

我以英物一為長夜飲再拜結莫逆諄諄言羸軀精氣宜秘  
惜功名不可為吟咏復何益名利今煎熬寤寐驚魂魄近或  
一夢君相對多慚色伊余邱壑志若為薪水迫蹇驢鳴秋風  
驂騑亦求食何當得蓑笠奉母耕穿石

浦城撫部祖舫齋

侍郎藩楚北倒屣昔經過庶幾當一面得於恭儉多理劇氣  
愈閒定變治不苛撫民以守地會垣銷偏頗謂我真雅儒反  
手能起痾長策竟廢棄督師聽不和自為幽薊行道路間易  
訛旌節或駐秦忽移洞庭波波流繞皖公擊檝興如何

武進處士張翰風

白川卷之四  
扁舟君去矣別淚尚盈把拭淚寫兩淵不為知我寡九日莫  
愁湖倦游脚寐假假寐夢見君黃岳紅泉瀉我今顏闔求君  
亦劉蕡下載諷無衣詩寒風何瀟灑酒薄不可醉踟躕步四  
野言念同袍人千里路坎坷何用展殷勤在遠分日親

昔年

昔年十三四慷慨志奇功弱冠謁太宰詞茫濟朝虹問我川  
楚策指畫機搶空嘆息天下才謂可軼賈終遊楚策安邊承  
宣來趨風相期息原燎先試固楚封督師見小利孤裘嗟蒙  
蟻參贊誤有聞追尋鑠院中奪勢竟漏言幾至禍叢躬矧聞  
啟沃人薦辟昏雖蟲使余用世志日隨江水東長劍遂歸來  
菽水謀倥偬堅冰塞長途行旅無前蹤躑躅出門去忍凍凌  
堯峯回首雍梁郊鼙鼓聲逢逢載誦沔水詩怒馬傷心胸

龍門渡

渡水深尺半環作綠玉寒扁舟循側石一篙未可安佳名錫  
龍門確犇無留湍那知九谷底不有蛟龍蟠兩崖峻千仞積  
雪迴義駢行子畏斜日素糗不遑餐顧見呼渡人男女頽且  
頽洶洶百輩手刃或長竿千里避水災骨肉棄團圍以禮  
食則死何能苦自完我本爲飢驅窮歲扳巉巖况聞流亡言  
遂深漆室嘆蟻穴有潰防善厝故匪艱寄語專城人信此涕  
汎瀾

客和江一月諸君子日相過從知余有中州之行各以詩餞  
輒賦二章奉答

一枝無安巢廣陵試秋翅翔而存舊知新交亦羣至濁醪環  
斟酌瑤章各編次嘆我何躑躅問我何憔悴奔走四五年間  
闕謁當事間譽竟我益好名宜顛躓於今求聞達妄心已消  
漬載諷郎邪言不覺更涕泗

玉鞭不可借金匱譚縱橫屢稱東土山詎聞絲竹聲太白昔  
已矣矧余非降精安能免蓬飄高枕樂吾生詩人念明發日  
月猶邁征君子各努力及聞蟋蟀鳴臨流賦沔水行人不濯  
纓願移惜別意信茲嘆逝情

行黃山下

龍門名嶺見黃岳奇秀非言詮循麓百迴轉堅我志霞烟千年

埋紫霧定知藏真仙寧無英秀鍾俊傑生其間玉兵偃涿鹿  
問道摩層巔胡爲壽三百人耶疑上賢得毋傲吏心拜風皆  
卮言大隱隱朝市斯言古所傳呂召守黃庭誰作周之翰始  
悟用世人故乏山中緣蹇劣有如斯庶幾宜林泉

餘雪散窮岩蒼黃互低高眇爾藝麻菽粵集流亡曹聚散均  
齊民此政非吾嗚不以隸編氓異性馴則勞何術馭其渠乃  
在鄉賢豪禮可維其心威可制其剽維制果有素曲突功無  
僚不然有狼莠與成市井交山穀倘不登萬口齊嗷嗷用六

戒履霜山越斯其嗚斧柯竟誰有引領遂長謠賢豪信茲鄉  
行子毋怵怵

箬嶺

箬嶺歛北門黃岳浮嶺頭望望欲到天遠令行者愁繞谷及  
其麓豁若行道周始信鑿鑿功能盪天地幽豈謂壯士懷登  
茲百慮繆末富甲東南人不愛里州環野瘠且隘奈此窮民  
稠四山新蛟痕鞞鞞垂旒形家言有徵毋乃氣休囚一身不  
自存遑先斯人憂去去勿復道日是念途修

巖寺

倦客遠到家家事紛不理我本拙治生屏當亦無俚展轉念  
良朋藉以解愁否冬日幸暄和言訪北郭子裏糧登狙找崎  
嶇三百里行來四晨昏巖寺指前市張生隱其間望茲我心  
喜暫足避俗氛又得引妙緒生涯各飄蓬珍重十日聚我思  
古之人鴻軒有嵇呂

留別程秀才川佑

總角耽詩書深鄙志富貴慙慙及窮途懷刺謁當事燭下初  
識君紫衣短及地軒然似成童落筆當千字謂君秉殊質博  
覽益其智合轍須異時蒼生望可寄聚首不可常余振遊楚  
翅思君三千里夜夜縈夢寐歸棹倚鳩江重修几席誼回計  
結交日春秋已更四唯君積問學尚亦無殊異妙質竟蹉跎

刪

得母類自棄余應山澤癯君終廊廟器異時譏無術吾望云  
何慰珍重歲不與及時宜自媚勵此千里心勿為纏牽累良  
月廿八吉君當結大義惜我行期促不獲侑君醉我聞兒女  
懷賈短英雄氣抑聞居室近君子道已備詳味古人言明者  
擇所自更宜慎失足亦復靳諳戲前期未可請言別誠不易  
贈君言三百即作鞞鞞璫

偶成

遠遊積亂夢夢思竟無端歸計十年拙窮途一飯難簾前  
霜影怯烟外客魂單展側孤衾冷空城漏未闌

贈張秀才蔚春

余友黃民部銜廿載文陣雄為言六安士多足供陶融就中

楊與張瑰瑋如璧琮此言閱三載隱約羅余胸嘉慶庚申秋

一見籍氏通喜君即張君倦眼開精瞳君言吾子名洋洋火

耳充援筆傾千言奇麗搜蚪龍深恥過情譽輔頰頰雙紅款

余來鄆外榛棘披蒙茸愧君好善心敢作他山攻示我文一

卷筆陣何隆從霸才騁雄變吐飯皆成蜂益信我友言臧否

不我誑詩書貴經世憂樂當民同寧能作鄙生科名耀閭衙

嗟余志用世寂寞途日窮苟得石田資奉母耕山中翰君早

着鞭秋鵬摩蒼穹

贈甘泉王巖芝紱并序

白門秀道隱文  
紱本名福余為改名並贈字自成童為同邑貢生姚雨田  
澍侍書通歷律陰陽權家言過於其主性堅質能任事機  
警有權畧事主廿年見利思義識度所及卓越冠蓋感嘆  
激楚輒贈此章

降表賦恒性平蕩無偏陂永言求多福託地空爾為在子生  
不辰微賤淪青衣所幸事賢主能食復可師我作廣陵遊飄  
蓬無定期中途遇黃髮傾蓋語移時招要過其家觀子頗有  
奇樸傲固無文昧眇皆生輝終日侍不勑側聽何依依夜分  
送我歸路遠心彌怡導子使盡言分決其庶幾唯余善鑑人  
如子亦良稀努力取諸身志士宜自希韞璞及盛年日益更  
事機殊遇固無方鴻漸終能飛若主已就衰諸雛猶角羈李  
善苟不興引愆有鐘離愧無君子譽未遂拔王尼

借步保障湖由長春橋至惠照寺次韻

嚴秋颯已暮羈思不可釋矧追川上游興念遠行客逝者有  
如斯得毋夢昔昔不見澄瀾清寒烟破暝色嬌嬌芙蓉花揚  
輝歲將夕慨彼絕世姿棄置橫阡陌隔岸垂深楊隱隱麗金  
碧展側曲徑間蕭寺六朝蹟道力閱興喪古霧涵經席舉手  
闡靈闕杳冥不我闕明發念歲寒寸心自求懌誰為日浴者  
雙鷺飄雲白

送別張古餘領守



在昔聞韋杜相知厚且真古處逝千載于今重見君維君風

通籍升卿領守頻撓搶欲芒熾譚笑靖沙塵

已未秋古餘署南昌守事利

器有如斯俊英誰出羣不謂進豎儒延為倒屣賓下交疑毛

薛矧余非其倫誠恐累明哲撫慮常振振賤子初惑性同室

視鄉隣俯仰顧無藉先憂念愈殷以茲事周遊長策時數陳

好乘龍乘葉屋鼓瑟坐齊門敢云莫我知庶幾恥賤貧遂堅

獨善懷耕稼期躬親苦乏草堂資垂翼從艱辛賴迴長者轍

暫使顏眉伸得侍謂可久結旌載却濱得矣懋明德霖雨其

日新

贈江都汪孟慈即留別之吳門約八月重來揚州故有末語

行子逐飛蓬倚棹却江側豈忘接浙心謂與吾子直容止何

翩翩問年初六尺沈思發其華安雅徵於色接席心已傾繹

譯詞更歎息自言先君子卅載窮冊籍博綜漢唐編精破儒

先的遺書多未成繼述伊誰責痛無趨庭聞懼孤執手泣飲

人亦少孤十載存手澤感君永孝思志同願相飭象數故粗

文義理研精液慮受古人愚非必前薪積不見顧崑山吐詞

無殺激矧求聞譽施實累身心益親仁遠戲詭稽古慎攻擊

自見則曰明早服莫知晉守身以事親相期終不失人稱君

子子斯乃顯揚則語淺情苦深引領數秋是

贈鄧完白山人

斯冰骨既朽千載絕妙蹟吾皖產布衣壯觀頓還昔自從二  
徐來氣象若逼窄不謂見君書激宕震心魄結構何窅深森  
森露矛戟間出駘麗姿旌旆戰風黑和若母乳子縱似馬驚  
埒乃至無畫處逸韻流空碧又工為八分氣與中郎迫其餘  
作行草亦足偶凝或專精古所難兼技况絕迹二李如可作  
正宜復舌咋間名七八載于今奉顏色修髯初飄飄質雅到  
裙屐憶昔吾友張翰風述君足奇逸擔簦遊歙州五摩天都  
脊每到窮岩壑輒見題碩伯吸彼萬峯奇以助十指力嗟君  
負此才不勒燕然石蓬轉市肆間邂逅歌代食曹霸貌行路  
俗眼反遭白真識故罕逢妻子當嗷嘖唯余亦蹭蹬詩筆頗  
無敵監狗亦有人凌雲竟何益各懷矩步况是同鄉客握手  
妙高臺聊足散勞積把酒為君歌此日足可惜不歌已三年  
詞語殊剌刺

奉酬熊介茲樞直

皖江有書生所學在齊治少小習孟子即懷運掌志哀哉方  
成童當室更力飲迺從千里遊依人作生計忠事盡吾分憫  
人懷亦遂寧知廉恥衰斯道之棄置略存謀道心便負憂貧  
思湖海浩萬里無着孤雲地以余困饑寒知民足憔悴誰為  
朝餐者不解存此慮蓬轉到京口僧房聊借寓何幸遇君子  
下交不遐棄議論多英達襟懷何坦霽贈我以佳章三復見

白門券遊隱文集  
君意意謂風通籍

國恩渥累世有日居可為薦賢乃先事纍纍銀青公鮮此明  
大義君善守是心斯民待攸暨維今草莽臣實云足賢智伊  
余有數州已覺精英萃共嘆莫我知未堪衣食累得母結網  
疎華陽放騏驎近聞秦粵郊饑鼠復縱恣豈無安邊策其如  
兄弟唾吾已學無生鏹盡龍泉利忘世非初心獨善愧猶未  
但得買山資便欲謝塵韜南山深霧中時洒思君淚

紀蕪湖事

蕪湖縣寶塔灣居民汪某年十八歲其父於孩提贖之育  
嬰堂撫為子嘉慶八年六月二日某從無藉博遊父諭之

不從督過之某遂踞竈拳碎兩釜母拽臂止之遂批母成  
傷少頃某暈絕於地兩股熱如火灸既甦股肉全起成文  
左股曰不罣不欠右股曰十五日雷打不孝父母懼甚延  
道士於雷祖殿讖求蕪香不燃某自熾炭蕪之竟不燃某  
自知不赦初八日夜縊於廁然竟夕繩絕卒不得死余適  
至蕪湖悉其事夫父母之愛子也克逆如是而欲賞其命  
天威之無爽也函人捐生而不改其法夫卷阿歌翮翮之  
羽而庭氏射鳥氏職詳周官然則牛羊在牧必有敗羣在  
牧人能斥去其惡者而已欽亮天工幽明一致保甲煙廢  
吏不事事以致人道淪絕欲鬼不神其可得乎是故神道

設教非誣民也閭闔九重呼吸遂通天高聽卑良可懼矣  
說者謂雷為戾氣之積物相值則有傷嗚呼使是說而信  
也不亦瀆侮天鑒而便於怙惡者乎余故據見聞所親筆  
載之以信將來且以明天心不諱用刑而順天者昌之不  
必在縱惡也

上帝非任刑殛惡者成憲陽故設斧鉞幽復信雷電輔此乎  
佑仁革彼不類面所以契聖心每聞則必變自古云神誅常  
發人不見良由惡既見早已登明譴陳殷師正賢讀瀆州黨  
徧教恥加明刑大懲即屏遠無如身教衰徒取公事辦誤讀  
在寬書陰陽惑本願藉辭擾獄市矢意從未減漸令遊閒多

極致倫常糾於此鬼不神從惡益肆慢於此天默誅人猶疑  
虛幻諄諄命如斯赫赫德不顯乃能格克逆就死無悔惡  
積固滅身武貞亦止遯若人雖不道其始猶可諫孝弟講庠  
塾驕縱過童州其有違教令鞭扑即遞薦折抑其桀驁振作  
其忌憚鴉有頌食懷草不圖滋蔓豈遂累辜孽至上達汗漫  
亮非賦性惡職竟由習慣初聞極憤怒旋思轉悲嘆且復愁  
神力無方亦有限焉能日馮馮下與人為難教先有父兄刑  
齊則州縣一惡可罰火烈終難犯不善善之資別懸樹風範  
母偽為仁厚以苟避謗訕去其害馬者豈為騏驎便不見雷  
示威亮工恃雄斷

刪

述學一首示十九弟李懷

余本中上資庭訓受先子提撕襁褓中即云求在己羨長艷  
 科第七歲學八比遂奪讀書功祇誦易詩禮未能詳訓詁亦  
 為剽說計然至關倫常必審辨是非諄諄人禽樞升墜決於  
 此此學異無鄉群嗤為迂鄙此心遵大路已不躐荆杞蹉跎  
 且成童先子病疢痔五載侍藥隙夙夜讀選史遐追道麗詞  
 冥心探原委雖云無師學略能別善否又復羨兩漢豪士許  
 國偉遂攻權家言成敗較絲系撫躬覺有獲深晦遠象傀不  
 幸背庭訓立脚猶跛倚貧既能敗行所與或比匪幸天牖其  
 衷就食皖江溪得遊大興門朱石君先生乃觀為人軌遂覺汗浹

背有如暑袂臬立身期返初聞見亦差啟乃嘆前所學所得  
 皆糠粃乃知恥剽竊真積務尺咫三禮高完書能固人筋髓  
 千載賴鄭公世亂道不否學者準此的反求道在邇續自讀  
 通鑑治亂示掌指復得瑞臨書研索植國體創制兆興喪經  
 緯二書備今古有作者莫能與參擬望途可漸進蓬轉又中  
 毀幸每遇宿儒容我居于弟問難折其疑一一銘心膺劉生

武進劉逢祿字申受

紹何學為我條經例始識羣籍繁公羊受綱紀易

義不終晦敦復有張氏

武進張臯文先生諱惠言

觀象得微言明辨百世

俟私淑從董生

武進董士錫字晉卿

畧悟消息旨讀書破萬卷通儒沈

與李

吳沈欽韓字文起陽湖李兆洛字申耆

益我以未聞安我之罔殆鄭學黃

陽湖黃乙生字小仲心通許學錢嘉定錢坫神解既得明冊籍又得親

模楷乃見善惡途判異如濟乃令苟得心渙若冰釋矣憶昔

攻時文殫精忘膏晷房行藁汗牛一一究肯綮此謂契真脉

誰知土偶耳於今十年餘棄斯等葑菲隨俗偶執筆迺如决

源水讀書得正路履之坦如砥善忘更饑駘恨難窮富美悠

悠二十載更張亦已屢折肱為良醫斯語無虛詭吾弟向盛

年龜勉思此理要言必不煩有恥方為士

乙丑初春東園步雪同翰風成之作

閉固冬不密窮陰無藏蟄三日釀春燥風雲驟相合寒響追

遠蒼凍影團空閭積雲忽破散隨風并蕭颯東園近倚郭携

手良朋集複閣眺清曠連綿沒郊隄砌竹盡垂籜堤草或吐

甲時見跣樵行顧送過鴻踏土膏良已融螭孽信可戢庶遂

望麥懷聊慰傷春曉

安吳四種卷第二十二

管情三義卷第六

詩三

吳門逆旅四懷詩

大興相國

幾度移書問薜蘿不言溫樹如何意只應洛下留才子為述

吳公治最多

甘泉學博鄭清如丈

年來政府求民隱朱大興劉諸城戴此老雄心未忍刪聞說

長鯨騎海窟時蔡章亭魂還上大洋山

白門  
故江西撫部陳葑洲文

老人清興近何如日望江干問謫居為報年來漂泊甚等閒

蜀素未能書

撫部在浙江得唐白麻紙長丈二尺珍藏四十年遇余乃出以相屬然諾之三年未報也

黃贊善左田

皖上羣書好辨時此心耿耿只君知如何待詔文徵仲終被人稱老畫師

題胡智珠內史琴松風圖照

人聲協天籟聽琴如聽松橫琴古松下再鼓臨長風風繞萬壑出飛送雙吟龍能令聽者心緬歷九疑峯夙昔知夫人七字聲摩空寫生紹蘭陵愛女術兼工竹瓊定生兩女郎初齣齒即善詩畫翫麟

許公子悲歌吳市中樂惟閨房秀交須屠釣雄邂逅值賤子不語神已通何當拜簾前環珮聞琤琮

題趙穀菴風木餘悲圖

傷哉樹欲靜悲風千里來古共抱痛遊情尤哀趙至釋書泣

負米走燕臺椿萱同凋謝慟絕荒山隈馬鬣雖可識稻梁謀

復催艤舟辭新壘瞻視何梅梅此身倏蓬梗此心寄崔嵬爰

寫風木圖即與補南咳

奉同百菊溪制府舟勘清口五道引河改陸勘高家堰至將

家壩制府先成二律依韻和答

天艷水無波舟疑鏡裏過重開鎮清口全勢注黃河激湍令



趨北

神謨定不磨純廟於頭壩前蓋壩屢勅臨工昭率舊心

感到牽蘿清河士民屢請接長蓋壩河員卒莫應者昨日制府臨工其議乃定

奉營金堤上彎環僅帶圍蕭南傳溜奪淮北想鴻飛上智善

因勢奇功在握機使人知賞罰所願自無違

疊前韻呈制府並示幕府諸君子

八九水同波謂七十二由河黃流並北過定資疏海口先與

激鹽河營湖水登黃以出禦壩即下王一線堰盱道經年風浪

磨瑞符本分泄試遣問烟蘿新文襄建祥符五瑞二閘以洩

減黃今黃既斷流若測量可以挑切而減清入黃減壩分

雙五民河互繞圍高堰上減壩五高郵下壩應之壩下民便

本能分漲勢豈遂逐濤飛聞策重門障宜參並用機純廟

尹高兩使相早宜故壩以濟倘更築為浚利益係從違河

下河不可拘守蓄清敵黃之說近估脩高堰二堤經費二百餘萬若移以浚下河

民便各河則啟壩不至成災湖水可無容過守已

丁丑正月借歛閔子敬宗肅自揚州發程隨計分賦得巨字

又際闢門盛相將踏軟塵敵無坡老應肘比卞和頻予報罷

菽水謀仍迫棲遲願詎伸義顏期慰藉至泣更酸辛為苦鳩

生拙何當花樣新不耕容有穫未獵豈懸鶉鐵硯非求己輕

裘敢羨人從來鄉曲譽幾誤草茅臣慚說知途馬欣陪觀國

賓淮陽浮片席幽薊碾雙輪利器發矧日霜蹄入埒辰祝君

丁丑正月借歛閔子敬

致身早高足據前津

邵伯埭同子敬作得東字

淮貫江河腹長堤一綫通重湖爭走下累石捍流東黃減清

應漲橋關浪自雄裡河魚米地生計吸噓中裡河七邑連年多於成熟時被

水春首稱歸壑波光尚接空雨行兼琪啟岸壞未墉崇河更以西

岸加高七尺請於河部屋留沙迹汗田輟歲功湖西居民被水患已

庫項支絀久而未行年黃運兩河雖同屬南河而失白生治更愈赤子命難同事處分懸殊故壑有所擇聞

說懷仁力全勝束水洪千年歌謝傳名義豈吾訐

淮陰釣臺同子敬得陰字

緬彼垂綸客觀情坐水濶固知秦德厭難遣古懷深怒絕亭

妻思縈漂母砧佩刀時顧盼搗竿漫沉吟謝詩息陰倚未

達不綱術徒勞獨蕪心食草空逐鹿貪餌竟成禽細行遺窮

巷高功困積陰長淮嗚咽水流恨詎能禁

滯迹吳門和小宛見贈韻即嫌其體

四旬有四齋兄齒逝者堂已不還感節行藏餘翫悲秋情

緒尚間關聽殘反舌聲依約飲徧香名事等閒坐使如神筆

花落全輸勳績付名山

翼翼鄒國語吾遊自見何須察睨眸一任畜狸誇捕鼠豈宜

負鼎悔函牛苟全我待開三徑不朽君經出一頭屈指幾人

守先訓廿年心迹信無偷

小宛過訪訂遊靈岩疊前韻囑再和答

昌黎席金不足攫安道門船未宜還只為文章真習結頓忘  
身世舊心關甃階無復分陰惜竹院聊期半日間莫怪行踪  
更濡滯問年招上虎丘山

檣燕依依語客遊蜚鴻習習送秋眸空聞勞者相求友誰解  
高歌急飯牛幸不斷長悲鶴脰悔將尚白問烏頭却憐早漏  
商君網依舊騷壇試狗偷

壬申冬杪過平原謁魯公祠用公裴將軍詩韻寄兗州都督  
陳默齋充沂兵備熊介茲

受土作命吏所職固坻垓治亂常倚伏圖終在慎哉論資署  
紙尾鉛槧障雄材伊誰信求福臨難獨不回丈夫寘周行肯  
辭陟崔嵬將吾識所達匪為名震雷聰明果在躬禍福必先  
開母待事變至始虞非意來寄言專城者鄭重魯公臺

與金壇段鶴臺玉立明經論書次東坡韻

昔吾論文筆於中必有我密成花不見持以論書可錯綜理  
相安避就形時楫常能伏紙驕始得見筆娜轉換心如旋駸  
發勢每頗攝水墨無溢開鋒毫不裏鋒毫辨微芒水墨分纖  
麼嗜此二十年長者力先荷聞聲震合弦譬巧知扣竒只今  
兩少師傳書苦不夥變法心何雄涉險氣振情俗學貪速成  
錦鷲被鴛跛步顏擁肥姬趨歐牽病駮若謂吾言非試與訊

江左花之精浮而為蜜其滓沈而為蠟蠟中亦無花迹乃為  
蜜成未成之先則採與釀大有事在錯綜十句言釀之  
事只今八句言採之享凡作書無論何體必須筋骨血肉備  
具筋者鋒之所為骨者毫之所為血者水之所為肉者墨之  
所為鋒則筆之精水為墨之髓鋒能將副毫則水受攝副毫  
不衰鋒則墨受暈而其要歸於運指大指能揭管則鋒自開  
名指能拒管則副毫自平鋒開毫平而墨自不溢出筆外水  
行墨中書勢無不道潤矣王侍中傳右軍之訣云萬毫齊力  
予嘗申之曰五指齊力蓋指力有偏重則毫力必不能齊也  
柳誠懸楊景度兩少師皆神明於指法故一變江左書勢而  
江左書意反賴以  
傳但知之者罕矣

松江舟中守歲并序

予以嘉慶庚午夏奉母僑揚州負米常數百里唯度歲必  
歸侍戊寅冬滯迹吳門小除夕以冗反役於松獨坐小舟  
無伴侶共言笑無卷帙供繙閱默記東坡餽歲別歲守歲

詩韻和之以破岑寂無取附題亦非言志不作此狡獪已  
十九年錄出殊覺可意所謂見似人而喜者耶

廿載廢書史枯腸索字佐有如入荒市客至售無貨趙州雖  
也無昆陽敵轉大白戰驕袖長綠沈澁苔臥少小薄韓蘇出  
語必驚座未宜名占時所媿命次磨海氣足風濤蓬窻驚歲  
過莫使筆挾行永謝巴人和

詰朝半九十豈日日遲遲屈指數迷誤雖悔尚可追挈眷遠  
墳墓就食韓江涯歲杪隔團團倚閭慰何時書來報幼子思  
爺食不肥况念居與行豫為新歲悲堂堂歲棄我棄我亦何  
辭汝年已非壯又增慈母衰

長年挾策遊有如乞兒蛇蜿蜒自道工見者眼先遮雙石昔  
歌舞卅算今誰何此生分寥落前事安足譁靜思得歲時心  
花如鼓搗巨觥趣險韻遑問玉繩斜幼學茲荒落壯氣日蹉  
跎歲去不可守努力將焉誇

乙卯歲朝松江即事

除夕三鼓泊松駟詰旦謁廟逐香客士女駢闐鐘鼓喧酒棚  
茶帳羅殿前帳外占風有黃耆歲朝東北當大有今年又收  
十分租摘銀折漕骨髓枯石米塊八價在市吳市用洋錢以  
角角分十分蓋熟米一官漕石折六塊四豪衿交米二石三  
石市價一塊八角也民戶入倉橫筭罟松漕畝正斗五升折色倍蓰何能勝入夏

徵銀發雷火

摘催條銀江省用雷籤火籤

田租糶盡稅未清孤裘叔伯尚

清淨許上頑風不可競祇望歎歲無租水忍饑不受吏誅求

可能重見大典朱萬姓瘡痍得再蘇

自文正內召以及其卒七年間江浙水漕不

過加二未召之先既卒之後漕折頓殊故民思之如此其實文正未嘗治吳也

初二日莘塔艤看中天王會

莘塔小鎮吳江鄉鄉民醮賽中天王初春祈年仿昔古請神

出巡驅癘殃神本宜興宋劉令

劉宰南宋為宜興令今俗稱為猛將

民傳令有

驅蝗政官記從民充八蜡螻蚱猛將稱無正封號不經勅市

張

吳俗尚鬼居民欲尊其土神以為觀羨醮金餽張真人承制降玉勅無不封侯王者

有舅配食尤荒

唐鹵簿千人擁黃屋捨身孝女披銀錯劉君澤未及中吳河

水淪漪有說無乃知民心樂除害不必身受同歌呼民苦漁  
侵事非一害稼何須蟲與賊鄰鷄果見月一攘身後懸知堪  
廟食却憶宜興曾薄遊長橋終古說表候一橋利物功原細  
須信全無利己謀

己邨歷下守歲疊戊寅松江舟中韻

騎驢去京華歷下從賓佐府主官承宣所職豈司貨握算日  
不給何暇計遠大屬部苦秋霖黃流併北臥大溜穿會通狂  
塗囓城座馳檄議賑防日夜蟻旋磨災黎未遑生遑惜春汎  
過邨民乃裕國斯言竟誰和

胥吏弊有數其數在紆遲唯假慎重名弊乃不可追是心既  
誠求為治豈無涯前牽後荷董詎見羊走時况復念飛鴻獨  
飽焉能肥逼歲雪累尺陰沴更增悲俯仰顧無裨素餐咎誰  
辭夜夜夢家山甚矣知吾衰

從好親翰墨目驚入草蛇興酣偶落紙心慕饑鷹遮心已不  
及目手更如心何斂墨畏木強開鋒慮諠譁將母筆花謝徒  
勞羯鼓搥雙眸况慵忪勾畫時旁斜已失世五歲自分任蹉  
跎中夜愧燭奴猶將花蕊誇

庚辰初春留別大明湖三首錄寄吳槐江宮保丈蘇州胡墨  
莊給事陳秋舫修撰都下汪均之上舍漢陽以代答書

山東本齊魯儒澤垂千載云何問古今遂稱難治最評訟連

歲月越薦成儕隊劫掠既時聞梟匪復相倖半年佐行省始  
得悉其概民心實淳樸官方太蕪穢以此成文惡豈非上征  
利縱蠹作爪牙養奸為腑肺務為不可知六庫讀應廢庠序  
盡輟輟閭閻悉凋瘵凡有訴謁者百計加苦累志在使道路  
以目無罣碍察吏示此意親民趨不回偶有服古士夙知學  
道愛一再傷沈淪更端步時輩間有故充令

陳醇字貞白長洲人知滋陽以

武十年被議虧帑發被逮時正值歲除軍民相驚駭謂此賢父母  
來者莫與配雖無聽斷才宅心不吾害若不勤輸將必至驚  
簿對家家賣釵釧累萬頃刻萃以此稱難治毋乃疾省內平  
易民必歸聖訓章章在竊嘗持斯言群議訾狂悖

野人養君子斯義古有訓糾察實繁科短長易授柄制廉況  
未優攤捐數日盛查扣與委提一一語盤硬又復責供張絡  
繹從將迎豈能更率屬相與卹民病取償在收漕攘奪過倍  
稱廉平人所難賠累矧無竟吾欲事調和官民兩遂性先務  
取其心取財勢則順近世民苦瘠治生各自競不必言撫字  
但無增苛政稍為除強梁良懦便稱慶迨至收漕時輸將自  
多刺胡乃反此為唯知事暴橫終歲恣昏昏怨讟已早孕民  
唯待浮收恃直得上請又曰予不戢刀劣梗吾令周鼎馬履  
鼠為惡不陽行敬告有心人治民莫求勝

無非同有非無罪同有罪齊治自古然於今竟莫改夙昔秉

微尚所至見丰采不能行吾志卷舌即言退豈意來山東化  
枳襟蕭艾徒為稻梁謀竟作提挈偶牽掣固難工備責斯有  
在曾未起沉疴坐見增新痍屈指計借期拔足出孽海已貽  
素食譏懸知從政始故人勞致書期許千里外匪無裁答間  
執筆中自餒少小奉庭訓廉隅為曾鎧誰應戀雞肋伏淹  
半載深負府主懷岳齡安字松庭滿州正白旗人遇事咨詢再中夜撫初心  
汗忍不遑悔

書會寧紀事編

李堡號雪濤吳人以進士宰會寧亂平後改教為安慶府  
教授卒于官

先朝阿

文成相國

海

起勇

足智勇不數衛霍漢廷重阿渾爭食如

鼠饑草枯不戒燎西陲羽檄徵兵鬱雲上喋血猿沙染黃壤

籌筆纒勞三望舒曲突止須一亭長會寧賴有神明宰築垣

蓄水奇功在所惜功奇恥自居謫守青氈功不再載舟覆舟

自古然治民莫擾如烹鮮必云愚懦無倉卒請讀會寧紀事

編

題韓嘯莊擊壤圖

治道推堯舜而堯獨稱神舜藉十六族堯唯恃一人彌縫泯  
汲汲耕鑿自歸淳所以擊壤歌萬載聲猶新閱今幾劫首比  
隆始有倫上有



咨俞君下有作息民丈人生際此遑恥賤且貧珍重寫斯圖  
曝背思振振

寫捫蝨圖寄翰風 時客古北口楊軍門節署

景畧不偶世賣畚嵩山側弛擔謁宣武捫蝨吐胸臆擾攘若  
塵沙顧盼傷兆億夷甫豈足譏陸沈難未息駑駘鳴秋風驂  
騮久失職江東無卿比傾蓋要肝鬲宣武雖不終亮具知人  
識珍重寫斯圖颺颺蝨毛磔

登穀城山望黃石公祠

一卷書傳素千秋石祀黃名山綠地督孤宇接天蒼客子頻  
懷古勞人此息韉流颺欽汗簡遺躅况仙鄉風雨令靈異神  
期豈渺茫只應呼孺子猶得契真王截業雲霞蹬班爛薜荔  
墻何當凌絕頂重與奠椒漿

自題夢遊東山圖

緬懷東土山卅載勞夢魂詎須雙駿馬絲竹猶可聞  
少小有微尚所尚亦屢移席幾待來年能知今日非

寄廬燈影圖為清河蕭枚生 令格梅江文業 兩參軍鼎弟作

幽壑絕行蹟芳春閱崇蘭桂枝託巖扃秋來馨一山英英兩  
蕭君名滿江淮間風雨對匡牀篝火懷青編為學綜今古所  
至交豪賢深情託斯圖豈難念藉難從來賢母教不以窮達  
遷譬彼機中絲受采惟質鮮貞此廣廈志勿忘寄修椽炳燭

白門秀選閣文  
照綺羅憶若寒藥前平生編紵情敢以金石宣稱觴試誦斯  
或開慈母顏

題蔣奉化身成閉門種菜圖

熙南判順德誦讀兼灌溉其餘無所問方懼公事廢乃有老  
胥吏謂前有陳侔名宦五十年公來作其對間曹肯居間閭  
閻少擾害中醫不服藥此言殊可愛予常持此論聞者或譏  
悖請看奉化城閉門能種菜

二月二日江上行

二月二日江上行江邊日煖蒲秧生遠山映樹眉初翠新柳  
窺人眼未明東閣巡檐猶索笑北墻負曝自多情勞歌遮莫

歌勞事求友時間一鳥鳴

二月二日江上行江頭黎老初春耕忽憶去年夏漲異誰知

老岸沙痕平農書舊進中和節野諺從徵瓜瓠生

諺云二月  
二瓜瓠齊

地惟願年豐同子美閑吟自和候禽聲

追題張荻州刺史政績圖

為吏不奪人已服儉者德何況求水利躬為籌民食伐木開  
塍圃備歉事貯積猛虎不得類自去非神力浮萊匪予哉爭  
踐皇父迹再拜讀遺圖撫時更歎息

題濮翔生飛文館圖

濮君清門裔都下稱墨妙結交皆老蒼侯門臂常掉涕泣述

先德傳家唯忠孝佐命洪武中三軍推嫖姚受土鎮皖城  
民士不剽校射築飛文敬止况遊釣偏師徇百濟失道陷泥  
淖剖心誓天日島夷驚竒操弱息留皖江潛德久未耀正史  
誤書名家乘幸可校館址在荒郊茅茨苦不埽近更事遠遊  
遺迹誰憑弔寫圖示子孫繩武期維肖感君維則心敬為觀  
者告

被放南歸留別姚亮甫撫撫部姚伯昂學士

杜陵破萬卷一藝得聞罷青蓮泣鬼神馬耳東風射莫奪西  
傾葵屢稱東山謝伊誰借玉鞭相將輔播厦矧予幼顛愚性  
安藿食者常移恤緯心獨發倚柱咤窮年究今古餘事涉騷

雅傳蔡頰追風王阮欲驂駕約見惡溪從嘉慶丁巳蕪湖苦旱為宋兵備作文

禱神即日雷殛旱魃大雨如注詩有旗亭畫乾隆庚戌白門妓薛桃哥以予子夜春歌被之管弦好士

大典朱下交洛陽賈閭闔遲培風棟梁資養積文正公以吏部尚書署安

撫聞聲招取贈詩曰奇才誇洛陽又曰豫章拔地深夏屋資棟梁遲爾培風厚不獨火色揚匣劍時一鳴

投筆事戎馬矢靖雍梁氛驚岷安耕耜繞朝徒策秦仲宣終

辭灞已未仲夏應參贊辟入蜀仲秋即賦歸來衡門可樂飢負米敢自暇海上問

乘槎河壩視塞罅傭書代服力雌伏齒旅亞宗臣持使節謂

羅長文敏公戊辰夏奉使視南河事輕先誼高跨嘆息輔世才推食箸前借夙

昔憫昏墊手援幸有藉未見金成堤翻使錦成吟信信吠相

迎遑遑飛詎下教言諒不犯跼躄哀知化誓遂江海志卷身

寶學稼埋齒即遠焚避崖自別麝時有為貧宜心因捧檄下  
遮莫蹶霜蹄依舊躍祥台眾人爭棄賴捐君子轉憂假求艾  
憂痲癢說甘比膾炙幸託德有鄰詎嗟曲和寡匪忘貧賤恥  
其如山川舍矯首玉泉山烟水相喬吞瀉繫此千里心萋萋  
生如乍逝將納履去魂夢繞茅舍撫時併徇知無寐猶中夜  
喜聞回逆張格爾除夕就擒於鏡蓋山用工部官軍已臨賊

境韻

教平應通埃

張逆成擒後妻子在教平大帥檄令致送許以重賞

卡倫竟創壞

卡讀平聲卡倫

清語外圖也

神孫赫斯怒逆裔何逃

張逆係逆首波羅呢都之孫

上相新玄衣

謂揚威將

軍拜團龍服之

賜中樞舊白袍

謂參贊揚公以行伍起家兩平青海威著西域

宴軍燈照

席求赭雪封旄黑帽途難假

張逆入卡倫被黑帽回子截回

紅光馬更高吐

供臨新見紅光中兵馬高大不能抵敵是以敗退

山溝猶擲石

張逆棄馬滾入溝內猶擲石拒追者

井漫興濤繼絕誠

天德孤

思信若曾八城圖入版

波羅呢都與弟霍集古俱回部世子被拘準部十三年純廟既平準

部命護送歸國反開闢拒

遺孽役重勞此日欣輸檻

從今罷繡我聞驚馬角盡解買牛刀用命原開網投繯必

引鼈

頭目八人東師歌破缺長楊兩帥奏以東省凱撤西旅

遣酋豪

回王子十人護送

前識懷先哲乘時匪幸遭碩猷明德

害凶性忤腥臊阿文成公曾言回部性頑難治以漢法宜擇

不然恐辦事領隊諸臣或有貪濫等事不過六十年後終當

有變今張逆適符其期故參武公重進此說上命直督

往會議詎意三權握編徵四守牢莠民鋤附柳獻縣奸民謀

日為逆其威先期告密遂以番子去臨洮四城失守青海生

十三日捕獲時稟報尚未至番乘間擾河北及

克復四城番賊戮力羣雄集殲渠

廟算操尊親通有氣耕稼變無毛卡輪外每歲至八月報

逆於鏡蓋歡合歸大雲封山今以除夕擒張

慈聖王公以擒張逆請上皇帝尊號上躋敬茅

分渙大號揚威封威勇公酬勳容未已酌兕薦春醪

喜聞回首被擒五言意有未盡再用少凌洗兵馬韻為長歌

國家勁旅出三東謂東三省盤馬彎弓鷹隼同飛馳萬里夙無拂

指顧四城歸掌中首逆偷生棄城走北阿不得並論功音云

若張逆成擒便與兆籌筆幾經蒲昌海插羽時入

明光宮猛將謂武霍輪逾班塔謂山勝兵奏凱度崆峒張逆

大帥奏請月照關山猶暈畢旂迎烏鵲正占風部落安集延

雖小布魯特性忠良少教罕新強更助逆鏡蓋山高古霧香

貨爾遊魂未足多留茲餘孽終非了煽惑若被逞犬羊驀越

誰哀窮魚鳥道遠路迷七間疎樹密雲深三匝繞懸購無能

要領得斥堠空傳刁斗曉老師糜餉勢難當欲援荒服置來

王武公請分封四天遣妄疑兵力弱人教私詡馬蹄強張逆

城使自拒守

十五

白口券  
兵凱撤噶城兵少除夕入卡  
及官兵追至猶縱馬衝陣  
欲試狼豪辭克窟思張魁崇出  
蜂房善占多算小無敵身先  
群雄策鞠蒼馬名果勇乘以  
臨陣十餘年矣

大懋成擒穢黨惡

廟謨克稟稱

明良忽見塵中飛露布如聞雲外鳴歸昌回疆自此仍輸貢

慎選摩伊減將送摩伊國語無藝不征捋鬚錢有心自破追

豚獲都護果能聚民欲和卓何緣留輿頌回民間大小和卓名皆流涕詢之自

西域來者甚信在軍

思許安室家新令新疆官許携家屬導山源足資耕種回疆多山山皆

之利唯平地近河處始生五穀可立村莊城堡路南老把新疆以回部八城為南樂

康居遼陽少婦罷愁夢須識佳兵不祥器

聖人不得已而用

畫松壽陳登之別駕三十

青松初拔地本性自高潔亭亭百尺姿矯矯歲寒節既能承

雨露又解傲霜雪不為雨露思低柯示容悅不為霜雪感改

葉隨磨澀得蔭遂攸堅與期仰不譎終成棟梁材凡卉徒騷

屑

題烏程凌厚堂莖注經圖

義理在人心故訓須師授但得詁解明深淺任探取憑臆談

經義正學晦已久近儒漸好古一得同飭館用心本西笑致

仍存

力每東走伊誰能決川迴瀾導狂溜粵予有意興推測或以  
九所苦德不恒故籍罕研究何幸遇所欽尚志事不苟微實  
攻鑿空操戈伐墨守生木還食木前賢常畏後博學戒不出  
先訓意何難雅儒必好辨惟忌爭心糅君子故有惡乃窮抑  
尚口何許並老師高密尚發覆陳思僅華士定文虎稱繡注  
禮依三家箋詩推毛右過此或未知得毋悔舍舊愛至切若  
深敢循標榜陋羞澁看囊中一錢笑無有

己丑六月十三日泊舟分水龍王廟謁宋尚書白老人祠作

五言二首

宋諱禮字大本河南永寧人白  
諱英史失其字山東東平人

尚書無人說瓊山有微詞印瓊山去宋尚書不過三數十年  
而刻祠壁詩云更無人說宋尚書

得毋不與立謂同柳下知責賢固貴備苛求或未宜老人信  
先覺覺民事有涯所恐不逮事豈在誇梁肥尚書祛媚嫉聰  
斷復兼茲過汶貫河衛公私起瘡痍不然秉麾節踞床驕如  
癡以位色拒人攘功巧構箕國是未遑惜清議足維不涉世  
途險詎知今則微斯人不可間牛渚發哀詩閉戶憂鄉鄰媿  
乏筆瓢姿

汶水改南流用良非禹績過其北東性豈伊龍王力廟正祀  
分水龍

王附祀老人洞水學三七分南北裕源則導泉就下爰滙澤

湖空納汶漲汶弱挹湖汐齊魯間謂水入  
復出者為汐下游復引泗擊汶

使不激懸流盈載高地正供輸上國於今五百年遠矣食明

白口秀法隱文  
德禍福聳愚蒙棟走玉帛

開河有村落可泊舟處皆祀金龍四大王

如何祠白

公側屋僅容席神不歆虛賽民宜道其直典祀誰同符南有

平江伯

成祖八年白老人築戴村堤開會通河十三年陳平江築高家堰開清江浦而後南漕得以一水直達

五日宿南陽再作五言一章寄題白老人祠

三日渡河湖偉矣老人績予村有憂懣懷豈僅轉漕急嘉祥

濟寧間堤外平如織百里土塗泥利可興溝洫膏腴不自愛

頗足當漕白惜哉宋與金

金純字德脩泗州人官侍郎佐宋尚書治水者今配食祠中

未


有明農力或謂轉漕空珍水至涓滴安能問疾苦更事距川

役不思水利興水害乃能革十年五被潦東來民持斂相時

謹宣蓄導脉疏湮塞灌溉與浮送並行斯兩益誰為後來者



白門券道閣文



白門券道閣文

次婦揚湖楊江葦廬入舍八月偕女仲儀游姚歸觀作五言十

四韵以備其行江葦廬好學博覽予新授以毛鄭氏詩尚未

卒業仲儀自少愛詩故與言詩使江葦廬必卒業而前仲儀婦道焉

至道察天地造端夫婦是其義備於詩伊誰明詩義六義始  
曰風調雖為風始榮辱有樞機居室應千里一國繫一人鄭  
斥作詩子毋乃尊文甚或匪採風旨不知能文章即可名曰  
史以彼善性情自然通事理抑惟達與怒是真作詩體達則  
知體要怒則不求備擇言發為聲旨遠言仍邇擴之以正人  
卷之以管已不為猶面墻孔庭訓暨楊生向學誠推測契  
微惜卒業豈旦夕有成已可擬不教復不出充實斯為美光

輝見日新必由健篤累吾女以晚生嬌小閨闈裡教戒雖夙  
聞非儀宜謹辟婦固學於姑賢姑况習禮每事請而行父母  
無詒罹吾宗世詩望遠紹有吾季謂亡弟季懷子女育蒙泉  
三百俱昔拜包女與包婿家法期不墜

安吳四種卷第二十三

管情三義卷第<sub>七</sub>

詞一

譜東坡水調歌頭

墨卿守惠州時補書朝雲墓志立石於六如亭移守揚州  
以拓本徵題咏

誰與繼坡老把酒問青天一時操翰哀逝塵覆幾經年此日  
荒山礮石只怕瓊樓月到依舊是良清寒鵬翼任橫遂休更  
向人間知好<sub>義</sub>忠所事總長眠可能悟入如幻明性認同  
圓奚事尚書春夢做到春歸司馬此夢又難全漠漠榕陰下

空自痛嬋娟

譜白石揚州慢慰陳郎桂衾

芳華嬌繞車塵振觸等閒都作愁程記闌干十二有弱柳初  
青乍偷眼捎簾一轉五中先醉無藉猶兵認仙魂銷處紅香  
真箇傾城 漫搔綠髻只羅襟痕在猶驚更月暈珠還眉猜  
鈿合重與傷情為問玉鈎何在楓江愴絕葉聲聲弄紅綃將  
淚春來空望潮生

譜清真六醜

楊郎紫炘與所眷合寫茶烟輕漾落花圖乞題即留別之

月浦

者飛紅一陣便斷送年華如擲倩伊有情纖纖輕似翼步作  
香迹底見嫣然未綠鬟青髻鏡裡爭傾國嬌嬈漫解憐芳澤  
錦瑟珠喉雕鞍繡陌尋春不逢誰惜但茶烟細裏薰透蘭榻  
空庭春寂恨枝頭剩碧又釀封姨妬還嘆息披圖者遠行  
客正搔蓬日短為卿愁極愁銷處瀝殘高幘難忘却萬里狂  
奴故態一番顛側輕帆挂苦問歸汐縱髮戩寫出相思淚爭  
能寄得

箇儂賀洪通奉即用其奠雁慰姪人韻原詞云湘銀河六涉

鳴雁行御輪聲凡几授綬一賜真黃麻貴種纖腰圍玉面當

宜孔翠氈單上青衣林語半鳳權鬢全金見禮泥倚莫感花王  
季肅誰承若主辛勤居起銀尊泥啻垂淚儂肩倚莫感花王  
艷使心醉星雖小行為姊問體橫釵掛松盟記未冰人作道

渠伊意渾不呀幾許小家碧玉偷嫁無次身材  
外備詢曉指要分頰各合嬌嬌度度珠裙寶珥

通奉美麗自喜弱冠結褵比屋藏嬌嬖先同於小白請期  
迎相雜更比於莫愁鼠姑乍開封姨驚艷禮故宜於積薪  
情轉享其好少可謂綺思橫飛風懷道上者也即事催妝  
以助歡愛

者高堂却扇現十二螺鬟無髻可知鳳雛深凭香鈿几眇眇  
愁睇欲省春風面影揉華燭照眼迷金翠移前鞠色通眉語  
爛顧盈門奔聞有禮袞稠待承齋季任仙郎愛護分付扶起  
交匏三齋礙冠珠半倚信有仙桃豔春色醉均餘瀝徧諸  
姊問輕盈舞袖我心降未風懷日泥仙郎意渾不料者番銀

環左右怎生編次紅巾外髻髻纖指怕平視未許西園客商  
評七珥

譜子瞻洞仙歌劉郎蓮似以淮平倚之

紅蓮試水似窺人顏汗小髻橫斜黛烟滿却新紋繡褶低掩  
青蒲環未索纖拈花惱亂指武陵沿舊渚禁幾番遊曾向迷  
津問銀漢莫漫賦思歸岸抱溪迴篙紋外浪痕猶轉正屈指  
芳菟繞深叢只玉尺輕拋葉間魚換

瑶華次壁間韻

安東行館蘆屋幾椽枯藤一架鞦韆依然蕭瑟殊甚壁間  
有那繹堂尚書詞云瓊穿路縵高架明霞看一庭浸碧滿

身清影玲瓏甚節透衣香幾疊清寒約住解留得而今春  
色訝石家步障凌空翻起流雲嬌活淒清轉憶前遊是那  
曲闌干春最奇絕十年花夢應不識今日等閒蜂蝶詩魂  
遙越更何處悠揚孤蓬怕者春吹徹陽關驚舞翠虬香雪  
辭旨清遠姿致不凡樹猶如此人何以堪子山所為賦枯  
樹也勞者自歌詩人不廢故譜此曲以示同舍

修髮繞纈宜顛春風藏架陰厚碧一枝枝玉釵頭上深鎖明  
金百疊而今絡索蟄龍偃盤雲無色祝阿奴好護枝柯雷雨  
須看驚活最憐明月窺人只濯濯張郎能伴嬌絕影迷離  
落應招入春來斷魂蝴蝶者般清越稱騷客中宵橫遂更暗

香沁入孤山同浸一江寒雪

譜太虛望海潮

樓騫霞外簾垂烟裏春風肯駐韶華誰遣權飛偏隨月出長  
堤繞遍明沙纖步咏同車只惹香穗合縣玉徐加錦障珊瑚  
者般鄉里認盧家凝缸細數城笳更新紋似雪零露如花  
嬌未凭肩愁偏斂衽眉梢欲語還嗟心寄指陽斜有珮珠暗  
解低眉鬢鴉腸斷玉孫今芳草又天涯

南浦和陳伯亨韻為徐郎依雲題所藏進寫圖

圖高尺許長三丈寫樓閣花石皆精細而人物尤勝屏風  
前一少婦澹粧倚隱囊坐一女翠翹青衣繡半臂跪捧其

白門券  
左足地上置新舊鳥各一事左有冠帔侍坐者二右有珠冠雲裳侍立者十席地坐垂髻奏伎者八艷婢環者數十記文斷爛不可讀約以意測都僉夫人王氏前以名部為富子妾事大婦恭勤而不見容去事市上守門卒憇憇更業從武舉積功至都僉五年始廿四侍坐者一表妹一舊院義妹王招之同出侍立十姬則貴息富雖被賊而都僉得之軍中者繼有愛將獻美婦都僉幸之即故大婦也王思遇之因自請供進烏役寫圖以表盛德徐郎吳人年十四以歌遊裏渚為豪公子所媿而公子別妻逼辱之備創楚後歸吳娶妻齒稚而宜郎損奩買針黹婢為閨伴以其

美麗能弦索使得通房漸泄前夫蓋即以妬辱郎者郎妻怒甚欲斥之郎為請曰渠居上不寬今日為婢妾亦足矣郎妻笑諾惟撤其坐事與圖劇相符俱奇艷也故并吟以

書卷尾

奇艷臺重尋舊園開跨鳳簫聲吹醒門左顧鴛鴦高堂上挾瑟歌遙人近纖纖一握鑿金末信紅氍冷莫惜當年雙玉腕還掠小鬟新鬢前魚記躍蘭舟只嬋娟不照錦鱗同暝少婦購金釵么弦進猜絕城隅女靜歸美似手抱衾簾外星河定應笑秦宮花裡活輸與莫愁湖影

譜清真解連環

白門粉黛  
江夏陳玉生同年繼娶於張美而好文從玉生學詩甚工  
結禱期月以產而殞玉生屬友人作焦總問字圖携至都  
中乞詩以寫其哀予披其圖甚劣故為更之而繫以詞  
芳魂誰託來珊珊可近是非餘邈只平生靈慧堪追展瑶帙  
瓜痕澤香塵薄夢醒羅浮看遺掛一齊蕭索想潘郎搔髻幾  
屏年時口脂面藥孤衾遠寄蘭若便朧朧能到鏡奩枕角  
把卷還凭秋櫺有奇字綠章從頭記却春戀枝南奈笛裏慣  
看水夢算蕉心者審剝盡淚珠迸落  
譜清真拜星月慢

玉生以中秋日悼亡復為作秋宵怨月圖

月色如銀有情偏照池樹淺明深暗燈地芸牕異年時亭院  
更依舊在手翡翠床珊架對映錦衾猶爛趁我勞心只素娥應  
見步蒼苔露氣斂波面星三五自度銀河畔玉骨濯出水  
壺禁博鑪香散廣寒人不念蕭條館秋風急為送寒蛩數拚  
只有夢訴長離奈魂驚魂易斷  
譜碧山花犯

嘉慶壬戌曾賦杜十姨辭八十七韻曰粵杜仙字仙福宜  
腕纖如玉輔如規紺髮鬱若雨雲隋曼波流浸暈紋低早  
以香名飲繡闥金釵絲履稱瑤姿乘龍自有專房私葉當  
花對迎春暉新柳枝柔浪不肥高堂挾瑟相招携月明莫



白門券  
照綺羅機清受銀環五日期大姨武林鳳山施諸昆執戟  
明光墀排戶心知上客飢願得巧笑同車歸二妃珠珮艷  
江湄顧步探懷言不違見此繁者世所稀更將何德堪祀  
祀解語花屏十二圍妙舞翩翩誇手垂娣袂尤良陽翟俛  
響過行雲和四姨雙鳳爭啣紅綬飛遊水嘉魚情是非有  
羨東墻啟瓠犀賄遷將詭說躋西五姊傍徨為授綬而翁  
遠過王孫慈六鬟窈窕騰僉賞嬌小七姨盧玉蕊十三未  
習橫陳儀抱衾應與念柔荑八姨姊趙眷朱扉翟蒂來招  
心不移自挽烏號策馱馱裙袂雙跣一握齊豐柔能使君  
忘疲九姨工畫小姨詩細背牙籤手所治因母相攸攸在

茲骨像應圖年及笄孿生同出城南韋以君母服登綵輿  
衲襠珠結翔錦雞孔嘉六舉於爛其不煩左辟驚提提親  
卿畏我兩何居禮無當夕思畫眉服緇序御進蘭闥蒲帳  
中懸幃側措寶園壓領唇塗脂携手宵征敬不遲盛飾晨  
朝侍盥區春秋佳日惜芳菲舞扇歌衫細步追咄嗟各以  
嘉穀隨並堪中饋無貽罹入門左顧樂無涯鏘鏘扱地同  
致辭薄醞難酬惠綠絲依依造膝更導卮妾卮不盡妾容  
媼合歡促坐弛文鞋薌澤微聞表褻衣祕戲未嫌精婢窺  
華年珍重永娛台卷衣賜浴集瑤池扶起嬌羞不自支侍  
兒環雪雪環誰鴛鴦被底何如斯善微釀露清香肌絲褶

照綺羅機消受銀環五日期大姨武林鳳山施諸昆執戟  
明光墀排戶心知上客飢願得巧笑同車歸二妃珠珮艷  
江湄顧步探懷言不違見此繁者世所稀更將何德堪祀  
祀解語花屏十二圍妙舞翩翩誇手垂娣袂尤良陽翟使  
響過行雲和四姨雙鳳爭啣紅綬飛遊水嘉魚情是非有  
羨東墻啟瓠犀賄遷將謔說躋西五姊傍徨為授綬而翁  
遠過王孫慈六鬟窈窕勝奩贊嬌小七姨盧玉蕊十三未  
習橫陳儀抱衾應與念柔荑八姨姊趙眷朱扉翟蒂來招  
心不移自挽烏號策馱馱裙袂雙附一握齊豐柔能使君  
忘疲九姨工畫小姨詩緗背牙籤手所治因母相攸攸在

茲骨像應圖年及笄孿生同出城南韋以君母服登綵輿  
衲襠珠結翔錦雞孔嘉六舉於爛其不煩左辟驚提提親  
卿畏我兩何居禮無當夕思畫眉服緇序御進蘭闥補帳  
中懸幃側措寶圓壓領唇塗脂攜手宵征敬不遲盛飾晨  
朝侍盥匡春秋佳日惜芳菲舞扇歌衫細步追咄嗟各以  
嘉穀隨並堪中饋無貽雁入門左顧樂無涯鏘鏘扱地同  
致辭薄醞難酬惠綠絲依依造膝更尊庖妾庖不盡妾容  
媼合歡促坐弛文桂鄰澤微聞表褻衣祕戲未嫌精婢窺  
華年珍重永娛台卷衣賜浴集瑤池扶起嬌羞不自支侍  
兒環雪雪環誰鴛鴦被底何如斯善微釀露清香肌絲縵

七  
三  
三  
華  
次  
題  
例

白門券進路文  
剛宜裁縵締有情安能遣此時北枝蓓綻須折之摩挲玉  
樹怨歲蕤遽進瓊簫取次吹櫻桃紅感暈渦微共嗟儀態  
轉多奇我師不必素女為三年猶憶好腰肢妖嬈更許狂  
奴持狂奴故態苦栖栖江陽獵席未應譏為報簾前姊妹  
知莫擾蘇州刺史思詞出好事者爭傳粵仙以甲子畫室  
上船返廣州過洋被掠甲戌在都市見顧爛圖長卷圖中  
人尚可別識感時傷往聊復倚聲

過雲烟追尋往事流年去如水只今粟里可綰住花魂留伴  
相思故人日暮心長寄蒹葭憐昔倚更記說石鯨波壯帆開  
天鏡裏 枝枝蕊蕊任芬芳江陵只舊侶風流雲委君信否  
鸞戩未盡蕉心悴春陽曲詎應忘却迴舞袖金屏人不起待  
夢得鄂君同去寒香侵繡被

譜白石琵琶仙

為徐郎清蓉咏洛神裝照即留別還揚州

羅襪凌波渾不是用檝渡江桃葉離合誰感神光明瑤坐愁  
絕脩眉蹙含情欲寄怕惱起山中鷓鴣三尺新綃千年舊憾  
心事難說 屈指計仙侶靈儔逮携手清流怨若節拚取一  
生惆悵付漫天飛英凝望裡珊珊細步肯為君更舞流雪只  
奈駢轡盤桓一時輕別

譜白石長亭怨慢

清蓉別寫也落花人獨立微雨燕雙飛圖照詞以繫之

剩一片漫空飛絮繞遍臺城畫梁朱戶燕語留人向風前訴  
恨如許雨絲剪斷休睇入深深只碧草萋迷幾惱亂王孫遊  
此薄暮任蘭律極目是處紅難數東君管領可還記往  
時分付只一例冷落天涯算煙月湖山誰主怎盼到春光依  
舊遲遲如縷

譜清真瑣窓寒

長新店却寄翰風蘭風曾容蕉雲鏡香都中並示徐郎謝  
其菊屏之餞

八月隨塵騎驢早出富兒何戶家山入夢強半對床風雨整

歸鞭今宵甫能徹宵苦憶霏霏語又感靈光合繞屏香亂也  
應傷旅乍暮經行處任適渙旗亭杜韋尺五傳觴刻燭舊  
曲停雲思侶問天壤同病幾人隰苓激楚無悔否算歸來蒯  
鈇飄零只為嘗聞俎  
譜稼軒賀新涼

南學店間琵琶

候館鳴檀撥急商歌長空洗碧一輪寒月百尺飛泉傾秋澗  
過盡西風不發只一夜雙蓬如雪楚客離憂三十載問行藏  
心共孤雲沒偏付與四弦說霓裳舊譜直傳絕肯更弦徐  
張緩上暫調眉睫誰試寶常身手好寺磬時驚徹憑一抹雲

白門秀  
凝塵滅鏡笛李郎風流息任龜年高唱同衰歇能否寫此悲  
烟  
譜介甫桂枝香

將之濟寧訪晉卿雄縣先寄

江山滿目正易水送寒風力蕭蕭捲地黃雲起處老林低簇  
斜陽慘淡車塵外礙秋空雄關前轟渡河三呼凌州一騁千  
古同足 嘆逝者年華競逐只西笑東迷殘夢如續書劍飄  
零到此執鞭非辱董生早就名山業怕霜華侵鬢凋綠狗屠  
猶舊還知能和漸離哀曲  
譜稼軒摸魚兒

河間題壁其守令皆知名進士詞以誘之

問誰禁者般淒雨瞻烏棲又飛去烏飛休咏饑民屋仰屋乳  
黃無數留客住騰躡屣挑招依約春前路呼春與語怎斷送  
年華津梁點染并沒颺風絮 賢王業大雅流傳久誤縹緲  
空惹蟬妬讀書詎必能治賦疾苦務通民訴文易舞看十萬  
瑤籤化盡江陵土取盈未苦更緹騎宵來鄉耆繞索三日斷  
炊處

譜稼軒永遇樂

聞吳曹州次升入都計途中可相見過劉智廟不值此去  
取道各殊自次升以試令攝金鄉首發大難而能收之擢

白門券進閣文  
守曹州當三年報政之期急欲面詢治要良覲既阻輒寄  
此章

當代書生伊誰無憾為得為處卅載閒情拚將砵礪付與檀  
槽去澆愁不盡囊錐欲脫义手領符權任便驚傳孤城拒賊  
賊心悸踞城虎 經秋葉落分平頭勤掃飄葉紛紛詎顧耐  
有吟懷尚堪留此驢背尋梅路只今須記涇泥數斗贏得村  
農賽鼓還須問鳩拂羽鷲鷹化否

前韻

舊縣道中望黃石公祠祠在縣東黃山坐祠內閉目輒有  
狂風雨之聲開視仍晴朗曾驗之甚信

瞻穀城山崔嵬能記黃石祠處夢雨靈風千年見說不共炎  
劉去神師天遣神解天授諸將怎留人住景重閑纔消費豎  
况驚氣結龍虎 猴冠勿勿分鴻溝西壤衣繡仍前東顧瞻  
下圮邊一般堅忍除就陰陵路紫芝歌寂赤松遊遠剩有椒  
於挂鼓休重問居業已老好奇果否

長亭怨慢和王西御茂才韻

西御見虹橋外柳株被伐而系之予適反自都中感而屬  
和

記風外月明煙渚綠縵絲垂依依如許桂棹縈迴多情點點  
繞輕絮惜春情重拚付與新紅雨怎會得青青便怨絕長亭

白門勞送路文  
吟苦 延佇盼東君不見况說危欄無主湖山猶是忍重問  
當年張緒縱杜宇喚得春歸只橫笛傷春何處賸賦就蘭成  
悽愴江潭前度

譜清真單衣試酒

過富庄驛訪謳者月梧不見土人述其所遭已遞還高陽  
舊籍也

乍聞情賦就只幾度新愁拋擲欲尋斷魂揚州頻過翼夢境  
難迹却指紅樓外荻簾低押雪影留香國羅巾未減啼痕澤  
拾翠清流條桑繡陌年華可堪追惜竟雲封院落蛛網櫺櫳  
王孫路寂任萋萋草碧欲訴天涯事無消息楊枝不解愁

客故長條跪地婀娜何極章臺上漸青如幘怎得忘此日橫  
波月小斂烟山側殘紅墜祝與春沙只舊池好認高陽路孤  
根寄得

譜清真拜星月慢

七月十五日拜星月慢  
有記無聲善懷多怨禁慣淚明珠暗持隔韶華怪春生新院

更看徧十二雀釵絲履消受抱衾星爛念幾箇人只舊愁誰

見 影翩翻恰稜波面深深拜祝與雲河畔共結所字心香

香肯隨烟散退銀環別築蛟蟠館調水柱永悶姪人嘆憑畫

出卅六鴛鴦願成行不斷

譜玉田長亭怨

白門秀道隱文  
壬午冬初富莊驛雨夜

經幾番敲蓬秋雨望入交河聲聲淒絕落盡霜梧并教遮盡  
照霜月重簾濺透憶青女容光全別碧玉隨風休再問鳳簫  
衰歇 嗚咽只尋春去暮便惹杜郎愁結酒狂猶是忍重把  
高陽池說憑翠鳥傳語層城恐驚墮寒香仙葉檐溜無情零  
到天明時節

譜玉田湘春夜月

徐郎赴隴石三載矣癸未都下見烏祝部名佩秋香演絮  
閣一韻雖肌理微燥頰頰微削然仿佛徐郎在丁丑夏秋  
時十八九也張玉卿為澤其膚豐其頰遂爾逼真

望長安衆芳爭繞吟魂一樣看徧春光偏我醉眸昏蔽日柳  
棉如雪只小枝斜倚着意傷春問有情解否無眠一曲纖步  
溫存 瑤臺月下龍泉雨後翠幃經閉玉腕招携何處是一  
雙蘭摧同夢巫雲甘州入破怕轉蓬樓斷離根重回首玉簫  
依約在水綃半幅留住香痕

譜酌江月平仄二調

壬辰武林中秋南屏書記謙谷招遊湖上容與竟夕乍雲  
乍雨濤聲遠震月色驟明謙苦朗吟葉少蘊蘇子瞻酌江  
月泥請續譜予亦咏子水調歌頭以屬謙谷

客中佳節有蜀僧文老憑問井沈不道西施還未嫁難忘柔



白門券  
綠成陰魚鳥當年風流依約來共酒杯深澆灘飛櫂莫驚起  
渴龍吟 猶記神許微波要靈儔解珮徙倚追尋誰遣湖山  
凋敝也不許明鏡重臨鼉怒滿陽鼉翻洛浦應悴廣寒心天  
香飄否雲外遙認雲林 右平調依葉

問濤何氣乍驚心匹練轉雷無迹碾出冰輪搖縵浪霜意浸  
人同碧醉釣天誰磨玉斧知素娥傾國清光如許照孤鴻影  
凌歷 放謔與寄山阿女羅飛翠招出騎鯨客料得清虛高  
處也寒氣不殊今夕漱灑橫斜湖邊嶺外冷澆垂天翼一聲  
何處裂穿雲老蝶笛 右仄調依葉  
譜大江東去

廿五日謙谷導游理安憇松顛閣分賦

鬢翁蹙去參寥化開然西湖風物桂權濛洄西向咲遙認螺  
峯一壁樹古篔簹瘦藤扶上心地涼於雪烟霞深鎖望中虛  
閣稱傑 誰信携手松顛下窺飛鳥與孤雲同發極目蔚藍  
天一色暖々空中如滅法雨清冷可能容我濯此蕭々髮後  
期憑訂榻來還踏新月

前韵

范吾山觀察招同姚伯山明府謙谷書記泛西子湖謙公  
即席譜此闋予倚其聲即送伯山之官粵東

乍開天鏡照澄澈別稱中空無物解事蘭橈招倦客深坐青

然

綠成陰魚鳥當年風流依約來共酒杯深流灘飛擢莫驚起  
渴龍吟 猶記神許微波要靈儔解珮徙倚追尋誰遣湖山  
凋敝也不許明鏡重臨鬢怒滿陽龜翻洛浦應悴廣寒心天  
香飄香雲外遙認雲林 右平調依葉

大江東去即解江月似不必  
更巨牌名

問濤何氣乍驚心匹練轉雷無迹碾出冰輪搖縵浪霜意浸  
人同碧醉釣天誰磨玉斧知素娥傾國清光如許照孤鴻影  
外今夕激灑橫斜湖邊嶺外冷澆垂天翼一聲  
何處穿雲老蝶笛 右仄調依葉  
譜大江東去

煞

廿五日謙谷導游理安憇松顛閣分賦

鬢翁跡去參寥化閒然西湖風物桂權濛洄西向咲遙認螺  
峯一壁樹古篔簹瘦藤扶上心地涼於雪烟霞深鎖望中虛  
閣稱傑 誰信携手松顛下窺飛鳥與孤雲同發極日蔚藍  
天一色暖々空中如滅法雨清冷可能容我濯此蕭々髮後  
期憑訂榻來還踏新月

前韵

范吾山觀察招同姚伯山明府謙谷書記泛西子湖謙公  
即席譜此闋予倚其聲即送伯山之官粵東  
乍開天鏡照澄澈剝称中空無物解事蘭橈招倦客深坐青

螺四壁泥濊新醅沈澆舊憾散我襟如雪湖山堪戀倪仰嬌  
媵羨傑 休道多寶年城酌泉吳隱憤悲茄清發閱盡閭浮  
彈指間湧現無生無滅烽火驚心江湖滿地種：盧蒲髮輸  
君驢背賦孤山問姝月

前韵

熙載以觀海者難為水六字刻印余為譜大江東去以寫  
其意

谷玉西受百川灌驕尔天吳何物水立漫空凝望處遮斷蓬  
萊絕壁似此奇觀終殊想像古憾焉能雪回頭貽愕悔年來  
自稱傑在問溝澮皆盈吐嗟時雨氣縱橫雄發立酒貽羞無

本者都付浮漚興滅萬源泉一齊東注齒：真梳髮烟雲  
兜裏洗來雙眼如月

安吳四種卷第廿四

管情三義卷八

濁泉編一

余幼嗜為詩至嘉慶庚申而輟業以所欲言所當言者  
皆已有言故也三十年來有訓酢被迫率情人為之人  
亦諒其才盡性疎不苛責以讎報茲當出山心與境有  
所觸或不能無言訓酢尤人事所重不能似山中人可  
以任性所安且初涉其地無可情人是以勉理舊業越  
石云不復屬意二十餘年久廢則無次矧余廢此為年  
更久耶既錄存之而題為濁泉編者明非水之本質矣

白門倦遊閣外史記

道光乙未閏月二日左暨謁先子墓田告之官江西

小子初四齡蒙養承嚴訓辟呬詔數方即述孝肅令哀哉學未成弱樹當風勁負米走四方潛究生民病亦有借箸人疾

苦誰深省鑿杓竟蹉跎奉母惟歸隱不意河南公今工部右侍郎會稽吳公

說士甘揚庭遂以指使年試從西江政貧仕不擇祿况寄百里命慮在血氣衰計或子孫盛重貽遺安羞輕來畫餅評再

拜祝松楸神啓佑咸正庶敷莊敬強得遠折覆隕仁者果自求歲時几筵淨令名思必果遺軀矢不磷使信趨庭聞實導

溉盃徑治任檢敝麓南山有舊印南山草屋之印嘉慶丙寅所刻載諷誡誓

文邱壑負何竟

五日玉屏山謁三伯父墓十九弟季懷夫婦祔葬

先子五昆弟友于無拂忤以同客白門尤厚三伯父季懷伯

幼子至愛鍾吾祖先子承祖意欲親授章句寔貧卒未逮遂

憾遺易箒語小子續携遊卅載江淮許質魯學則勤頗能窮

今古著述驚宿儒年矢促矩步伯父精地學自卜玉屏土宜

意百世謀季懷顧前祔伯父繼厥世塗啓未獲赴茲當遠從

官敬瞻松楸路季懷嬪並逝子羽伯父復晞露孤寡奚自存

扶服招同住子和伯父有子三長者漸知務命為家督後昏

痛忽發痼小子老始仕羣從望難副與爾雖夙承在桑貴均

廿九

白門倦遊閣外史記

廿九

哺所願庸諸孫克守青氈故惡疾速痊除手口得相助情深  
語逾質庶免神期怒

過龍山張館陶琦墓奠輟有作

憶余初識君即有結鄰約陶谷謝墩間未肯負丘壑時事驟  
難并此志終不鏢無何君官游遂致虛前諾一官閱十年龍  
山竟歸魄維君與賤子夙究治人略當君蒞山左觀政三解  
屬彌縫良已勤興除斯未博善建與善抱量必十百度區  
事補直所學疑維釋君言垂白翁精力難自作粵籍君治效  
健猶化淳恪所至本瘡痍所止遂豐樂新店設城市新屋環  
村落飛蝗避境土嚴電聚水泊穀政五穗垂龍見千鱗皆君  
任章

丘館陶事實詳余  
所為龍山墓表

宣伊天責吏視聽自民薄始知清淨功不

試无妄藥繫余衰羸餘續作出山濁烹鮮有前酌酒告無作

六月十三日余自都赴江西取道揚州同年李蘭卿考章兵

備招儀徵劉孟瞻文淇吳熙載廷魁王西御僧保勾生翼

鳳江都梅蘊生植之集鈔關署為餞以淮南二十四橋月

七字拈韻分賦題昔城女士許定生泚慧為余所作捧檄

圖團扇以寵行者余得月字席關即發柁赴白門長行有

日補作此詩寄謝兵備並示諸君子

新居卜籌市謂得奉黃髮焉知柯亭賞乃及涓人骨征輪壅  
維塵不寐速明發觸熱心未勞懸闕頭每接舍車就演漾借

庶指隍隍

余揚州舊居西門城壕傍

攝衣踐華茵入宴赴倉卒此邦衝要

地來往萃簪笏

惟烟花多君採薇蕨舉知盡賢才

諸君子皆

余所薦於兵備者

維旅肆殺核主賓多難言紳佩焉敢忽揚風託團

扇去酷當炎暘澄清初志媿壯盛年矢戡幸非展足驥况羨

摩霄鵬扁舟溯西江可掇明如月

九日啓程留別荆溪周二保緒濟桐城汪四均之正登儀徵

張大司銜銓保緒十日後亦之官淮陰矣

周汪皆人傑識面始甲子並以從秋賦邂逅白門市周生最

桀驁虛受求勝已汪生盛貴遊折節下奇士咸謂一日長相

與巖兄事緬懷東土山異日偕隱此射策忤當軸周生懷毅

恥投効早歸來溷迹終不滓汪生侍移節相親累千里旬月

必疏達懇、析疑義尚書嚴世後踐諾伊人始繼之者周生

惟余迹若滯不忘接浙心抑迫需泥累并力拔余足卜宅如

鼎峙回憶邗上游吾黨學寢熾於中迹尤親張生稱腹笥以

是驟言別實亦難為意汪生擇子師招來重聯襪方幸卅載

約自今其水遂不謂捉將急三人乃及二山泉豈甘濁白髮

况垂耳移文續北山知為飢豹嗥聚散信不常染絲悲何已

揮涕謝留者無使青山溪媿

十日昧爽燕子磯出江薄暮宿京口驛

還家當小暑候氣入第二秧畝已上山壘未全蔣圩田專

白門水在月

廿

9

候潮斗門出水際兩旬三小雨蛹子翻長翅糧價市漸昂似  
見歎收勢絕江漲色黃與前殊紅膩紅蜀黃成楚舟乃豫章  
水舟子估客之紅黃先後見獨無青漲至得毋彼地旱不與  
白門異薄暮抵京口艤舟爭檣繫怪此夜行川何為日留滯  
荅云河近荒夜行常失事耽遲不耽錯非敢憚勞勩又說昆  
陵城西郊河十里裏餅船擠擱兩月不通利嗟此係水驛宜  
定撥重誌若聽船自積加以水日墮坐使成梗塞官民知同  
累抑聞止盜方不欲為神劑上理難驟致勤捕亦其次夜劫  
無如何馴致晝不避猥余粥飯僧竟涉風塵吏三行必有師  
見事唯勤記

十一日早發登艫北望懷儀徵劉孟瞻高涼黃修存洵江都  
梅蘊生朱震伯欽儀徵王西御勾生吳熙載占此却寄計  
諸君相送邗濱匆已廿七日矣

憶余初遊邗諸君童或壯及今當遠遊別偉矣皆英彦劉生  
備三德手脈破萬卷黃生工五言建安風不遠文藻盛梅生  
揮送追中散超妙能入神吳朱書同擅王生嗜倚聲白石欲  
焚硯拙哲弟體稍弱屬辭亦黃絹斯並天下士豈况淮東選  
羈客常恃此終老忘貧賤詎謂捧毛檄相將試陶縣不怨別  
路長所嗟素絲染遂令鄙吝深轉覺觀摩淺有善誰與證有  
惡誰與諫緊余藿食姿所志非芻豢平居講貫者諸君實共



鑒出任萬人憂居戒一身嫚西江邗屬岸揚人謂湖北為楚岸江西為西岸估舶多聞見人患不自知相告毋相謾古誼庶復敦流言聞不聞

十三日抵毘陵示張氏女孟儀

惟余與若翁道義為昆季踴躍事畧同出山年不異若翁宦十載內顧仍如洗賢者必有後清白聲不墜唯若能持家貧不廢交際事：師先姑胼胝相夫子余老事宦遊此情非得已祖母况臥疴展側須偵伺若母與姑母不解帶經歲祖母時念若携孫來省視賢甥毛羽豐即日赴秋試若挈諸孫隨以博祖母意余在千里外心為稍安止逮余舍館定迎取若

庶偕至庶以團團歡仰娛老人意作家以累官此情知免矣舉室食於人若翁是前事

保緒以詩贈行奔之木笥未審也十八日抵吳門啓笥見詩感其訓詞深厚依韻寄答

官民日交爭時論喻卽石從知釀不陽長吏難辭責撫我與虐我讎后在自擇官本來自民何為互相迫終歲使睛：相望苦脉：以居親民位實敗親民績原其鬱民氣殆為竭民力古稱予不戢非疑民未急伐柯則猶遠取譬已欲立不聞在桑鳩宜奪七子食為師與為長學者固所職自非信而勞焉見生也直畫程念清訟夜禁靖意室淳良氣漸伸健猾計

日紬迺導利源開尚慮民聰惑養民事至織防民理孔密勤  
求疾苦始聰聽父老述官民久相猜欲速安可得積久民我  
歸庶幾執左契斯為拙者效或冀勞止息多君仁者贈雅言  
如經翼堅我守初心矢不與民敵待賦歸去來一一與君質  
蘭卿寄到橋字韻題捧檄圖餞別詩附書責和依韻寄酬  
頻年蹤迹苦儻儻昨得山居傍石橋白髮已驚催孟浩讀書  
未許懶邊韶敢因將母封陶鮒轉怕諧聲瘦沈腰余二十六  
年不作詩  
日昨始  
復為之差幸故人持節近問途迂直最昭昭  
為朱玉存宮唐珣題霜帷讀課讀圖  
近世儒者宗共推昆山顧溯其學所由母氏教有素阿母亦

何如有生未識父行其心所安不避嫁殤苦來嬪撫猶子提  
抱授章句非見莫與友經訓良可怖孤兒實聰聽弗能學弗  
措遂扶群籍心後來祛迷誤兒名久益昌母教與俱著梵  
二百年吾鄉有朱媼一切繼顧母所異孤兒遇生際

聖相承早涉承明路祿養二十年文行粵可慕論學未稍紬  
較遇顧則輸所願勵前修益廣慈母護百里半九十稱道息  
無處庶幾齊昆山夙夜永終譽

七月朔後大雨連日農田深透河道泛漲桔槔既停舟楫遂  
通喜極作詩次鮑明遠韻

千里序火耕三月困驕陽矯首望雲氣感額林曦光熾蓄罷

龜坼蝗蝻起澤鄉，腹伏遺泉水墳壤。變汗潢蘊隆真積，力雲  
雷忽相莊驟雨，挾迅風奔檐。遂溢堂稿苗，頗懷新含苞。競吐  
芳米舫，連檣檝。民情慶倉箱，始知乘時化。俄頃定皇皇，  
吳門七夕施姬已。卿不供針水詩，以訊之。次謝惠連韵  
窈窕藏麗娃，招携出珠櫳。丁：腕闌韻裔：帚拖風蓮步，移  
移修唐彩雲，眇蒼穹。瓜菓玉盤薦，蟾蛛金盆從。祝請聞細語，  
啓處見雍容。泚心懷錦鞞，天路降雲蹤。卅載卿入侍，七夕遇  
始雙反歸，袂仍苦泛舟。慚亦惊常自薄，纖巧豈况乞虛空。嗟  
余故曳尾，詎羨廁為龍。安拙卿能守，戀故余彌重。

七月九日明鳴城

蕪城新縣別名

黃南坡明府

冕約震澤周祝君明

府恭壽 聯袂送至寶帶橋為祖道於橋石新建之乙未亭

即席賦贈

昔賢留寶帶，叠石遂成橋。呼吸三江接，歸墟百瀆遙。勢爭宣

節要利繫，輓輸饒於道。謀脩復，伊誰任鉅猷。

治吳如治水，終事有黃侯。

吳中當事十年來加意水利屢興

疑載至南坡為首邑始力任之

既得窮檐信，宜分大府憂。德從民質編，成

以子來收七百年來事，重逢乙未秋。

至和塘告成于乙未故名塘工之年曰乙未今

已久湮此工適植同物是有數存故南坡修橋就叙此亭以復舊名焉

建亭延勝蹟，蠲潔禮前脩。

傍亭築室祀吳中前此有功水利者

有客初于役，觀

成為艤舟，邦君盛郊餞。鄰域借賢侯，治譜同傳我。翻疑載酒

遊

大源籌疏濬龐山實始謀

道先登未吳越大水甲甲丙首會籌水利

以機宜遂

專城頻鼎足燒尾幾乘流

祝君時以需次末吏佐方伯外任勤估丙

然爾知時亟榷枿驗楚尤

祝南坡產楚南祝君產楚北

更當稽底定為作一

程留

祝君計今晚宿其官署

十五日早抵武林携已卿謁上天竺翻棊盤嶺憩龍井順至

理安訪謙谷遂宿扉口

救苦必尋聲非謂禮天竺生辰適至止膜拜資毋福大慈錫

世壽籤示吉我告已卿歛衽前引為王翁祝藍輿穿青雲梯

磴萬盤複俯視西子湖一勺近可掬襟帶南北峰將迎藉龕

瀑陟降恣瞻眺追奔勞媪僕遂得憩龍井井泉澄鳴玉汲泉

煮野苜香甘無為目行：望理安螺髻峰淨如沐飛翠浸松

顛閣名坐令萬慮豁主者辨才流媿我非坡谷出示新詩詞清

脆賴人讀可憾日高春輝口問征軸

七里灘釣臺下作

論世際漢新人才蕩無恥緣飾經識文以巧求祿利實由開

基初悉用頑鈍類不以禮為國終為子孫累項田竝武人既

亡有為死劉氏龜鼎遷稗販顧至此敝俗成若性撥反惟天

吏矯枉必過正先務作士氣狂奴態自昔非可馭以貴物色

得故人樂善備恩義陽格不旋日星文一足異遂令天下士

貽

白口秀法...  
聞風乃興起凌夷及桓靈維持賴清議救時誠有要得數萬  
事理四維果稍張損益皆餘事韓侯一投竿貪餌卒自斃致  
用在當無遐矣披裘子

十九日乘丑潮發旆口風利日和繼以皓月遂抵烏石即事

### 寄謙谷

靈轉知潮上窻明容月照浪湧一帆飛山迎兩岼笑整迴錦  
翼張鸞聳螺鬟峭雲染巖如黛麓環江若滄人語開烟中屋  
角見林杪遙情接披擊遠響擬舒嘯屐齒託慧業蘿帶宜窈  
窕得毋稱客星坐茅乃獨釣惟余亦澹蕩性篤山水樂所憾  
有程期不得恣遊討少厯川江雄老攬之江伎泗游雖異勢

淹留竝阻好緬想武林游南屏有同調為語山中人梯航毋

負約余四至杭州唯壬辰秋謙谷為南屏書記導游兼旬備  
尋幽勝倚聲相訓答今主講理安恐不得復盡行脚樂  
也謙谷初游浙保緒為作梯山航海圖余書其首故及之

廿日烏石灘加縵行八日始入常山境程不及四百里擠灘

攔淺動輒經日舟子駢拉捐擡備極艱辛然勸以上下水

互讓再通力合作則可易遲為速卒莫有肯變其舊習者

率爾成詩以訊後來

烏石抵招賢常山入江自蘭溪劃下流多山麓上游盡卵石

水面良亦寬漫流數百尺魚梁蕪水碓截河使偏窄益逼灘

令高水石轉相激灘上通舟槽容舟纔一則隻不論上下水

入槽即扼嗑舟子各不讓坐臥滿船脊擠船為爭途滯滯胡

不惜生涯別有在藉此好留客及船過灘淺店板帶磨礫不

異罔水行心耳驚浙漉我思萬民濟是惟統轄職募人浚城

下是其欄田為金嚴道駐紮所是否洩水急備知用徒數與

所當給值有效乃通行分委估其實曲折順河勢起梳置灘

側中槽寬四丈深驗重船迹撤梁改隄渠石礪飭令直不許

截河心攔水張兩翼一路見魚梁百餘丈長方寸許得

五尺直礪擱至灘頭寬及二丈并四倍籌款先墊辦勺稽各

之水已可濟用埠復通計定期歸款以集腋居民或侵損有司勿姑息必

與正其罪脩復仍嚴責全竹五齒爬飭各船遵式大四小備

二方入攬載籍河槽寬且深上下通不積或遇大水後河道

有變易各船抵灘時通力爬其塞必使復舊制有司勤考核

水隄提溜艱各船復集力出灘船先行減耳使共識行道人

過慮敢謂有一得聊備芻蕘詢聽者誰無惑

九姓漁船

夙聞浙河江山船有同年嫂同年妹艷麗盡媚或云相嚴

謂嫂妹皆僱覓桐廬嚴州人為之余取道武林赴西江坐

陳姓茭白船乃知其船有頭亭茭白兩種船戶共九姓漢

王敗鄱陽其部曲九姓奔過山至嚴州之建德以漁為生

改而業船不知所自始今有船千六百號名九姓漁船建

白川考選略文書  
德縣收其賦其家屬隨船皆習絲弦大小曲以侑觴薦寢  
而世人誤稱為江山船云其真江山船顧甚小無女子唯  
在淺灘撥貨散搭肩挑背負之客又有船名蘆鳥形製同  
笑白甚寬廠唯旁無窓櫺乃義烏人所業駕船之外無他  
事水脚之外無他費其不開旁窓者殆不欲自同於九姓  
船也此道號為一省通衢又福建之茶果帑筭江西之夏  
葛磁帑廣東洋貨寧波海物來往所必由豪宦富賈非頭  
亭笑白不乘坐沈溺傾覆前後相望而十日來所見嫂妹  
且數百人未嘗有珠翠錦繡之飾則知花粉所資大都多  
在衙前也其船水脚已較蘇松加倍而登舟復絕不與嫂  
妹通一語無可設計交引者襍泐茶酒之費復同正價名  
曰一底一面擾行旅壞風俗無有甚於此者貴人經過既  
耳習以為常固然地方官吏復自治而莫過問余深悔問  
涂不審故疏記以詔後來其赴閩及東郡者可僱蘆鳥  
江西湖南廣東諸省自有江行正路不必迂道自取遲滯  
多費也

聖世勵風化天下無教坊玷歲虧行止矜細至矜倡奈何九  
姓眾聽作化外氓各船榜金字自署溫柔鄉經涂七百里宏  
開脂粉場究其纏頭費半肥蠹役囊吁嗟爾九姓百人器最  
臧轉輸自食力俯仰未蒼黃移其少艾者岸居習為良並未

使失業不必慮更張嫂妹既離船便與蘆鳥行茶酒罷襍  
足為行旅慶九姓聚建德戶籍在官藏舉此如反手永言著  
斯章

常山縣與張念哉明府祖基論賑緩得失

歛取辨分數給賑視為例賑口分大小一當小二折色銀  
五厘大口日給制名折米半升市價久倍貴民生豈贍足民  
心藉維繫使煩我

聖君饑溺真由己無奈開項畝先有荒買荒費邑胥構奸民  
取成在鄉地一紙初報出憲委絡繹至居止責供張訓勞爭  
饋遺比及領帑時司書索無藝事後辦報銷部費較司鼓實

患及災民得半尚不啻仲秋已准灾時到仲冬既招携赴賑

廠道路常僵斃得之未必生為之先死矣况將賑比漕南漕

賦非無不肖吏所以愚如余屢為司農計罷賑專用蠲公私

並攸暨歛收及五分錢漕令半貫帑無冒賑虧豐免倍征累

中飽人實繁聞之必腐齒是惟造膝時痛陳疾苦意恫瘝洵

聖抱

中旨破成議部胥一與手能使言者蹶斯說竟無成念茲時

惴惴從前

國用充百弊叢如此况今經費絀農部苦告匱大臣計贏縮  
不敢私所泣然以懸磬室復迫迫呼厲溝壑驅盜賊父母能



無媿庶幾勤不成緩征稍寬氣乃料實戶口與其減食餽合  
麥丘襍穀熟田所獲穡審察因積數邑食缺凡幾先勸殷實  
家採買自寬利次諷好義士糶糶互相濟一切任鄉賢官人  
絕染指聽斷過更加勤緝捕毋惜勸義分各自安麥秋有來  
歲官固食於人操縱豈一致慎勿戀冬羨民瘼視如贅一致  
釀事端收拾彌不易仕學君並優敬事如承祭慮此良已熟  
漸賦何以昇

廿八日過山入江西境

武林至常山三百灘有名一灘高一丈人在雲中行萬山簇  
插天仰望心怵：誰知環麓轉有路如懸衡丘山為地險崎

嶮不可櫻及至託地處必歸無偏傾委曲勢可順坦蕩衢同  
亨豈况人心險不能得其平西郊四十里浙界盡草坪界東  
棲畝未焦卷如蓬征賢令得其要荒政早籌成司農嗟仰屋  
待哺盼編氓能操袞多權以鼓暮義誠草坪更南首便入玉  
山程玉山隴已刈稞糧苦難畊入秋已將半炎暘使人矇疑  
為土性異僉云夙未經早穀曬欲萎通川舟不勝朝歌世所  
衰飢饉况相仍休云別利器事理殊升卿勉致奔走力庶將  
撫字情

仙人橋貴溪縣東門外三里

仙人胡好事空駕一環橋毋乃襄陵日懸流不可超非然心

白門秀逸  
渡世示象在山椒凶歲求生路能不自此跳

貴溪縣懷故友陸祁孫繼輅即效其體

卅年前醉秣陵秋雲誼風裏不可倚家學阮咸齊季父謂幼

君孝思周顛重南州君為其母林太孺人乞字內能詩文者表章圖德彙刻為頁珉編

千篇詩與江山在兩載官應老病休慈父嚴師遺頌勝與人

指點故賢侯

入餘干縣境懷故友憚子居敬任浙江之江山富陽政江西之進賢星子新喻餘干瑞金由

瑞金署吳城同知而敗敗後三年卒於里門

事小民兼事上官兩傷雙美合離難以其所獨談何易不耻

見汗良可歎治獄廿年無枉縱罷官一日有饑寒只應并入

妹通名山留與人間作鉅觀子居著大雲山房古文集往復健舉為南宗以來絕業

八月初六龍墩見飛蝗餘干鄉鎮一名龍津

夾岸高粱葉盡斃驚心真見在龍墩禮禮煽草道為白蟻螫

穿雲日欲昏害稼原應無罪殺昇炎不覺有神尊側聞爛翅

惟霖雨年麥油菘地待翻

瑞洪謂令公廟

廟祀唐忠臣張睢陽無碑碣詢住持謂建自明初屢著靈

異舟過者必奉牲幣其下余謂自李翰等倡蔽遮江淮沮

賊勢功在天下之說而昌黎申之江南廟祀之盛以此然

或曰東平王或曰旻天大帝皆以為掌瘟疫神從無令公

白門券選路文  
之稱又不司水府事且皆祀張許唐時已稱雙廟而此廟則專祀張公考漢王大帥張廷邊官中書令戰死於鄱陽湖之康山而漢遂亡十八伍奉其子越歛嶺至吾涇冒翟姓以存其有恩士卒可知瑞洪去康山十餘里為由湖入河要道今公之祀既始明初殆建邊部曲私為之故稱為今公而托睢陽以避禍如花藥祀孟昶為張仙吳人祀周王為張王大帝者也敢以質實事求是之君子

李說韓申曲辨寃江淮俎豆慰忠魂收瘡尚本必為厲鎮水何從問祀源花藥宜男愚宋板張玉托色亭吳門瑞洪湖背奔逃地舊部工訓主將恩

初八日朝子瑞洪舟中聽雨意極有作

夢回浙瀝正三更起卷篷聽辨雨聲檐溜緊知雲氣厚船身輕覺水槽平暴暘晚穀典之勃被暎荒疇版可耕最喜飛蝗應脹爛快心無寐到天明

昧爽過鄱陽湖亭午雨急艤舟烏龜寨讓漲

南昌鄉鎮

侵曉渡鄱陽風帆重不張推蓬三面黑擊汰一湖黃未任溯流急偏宜命酒忙淒其趣締結開篋檢棉裳

十日清晨抵南昌冒雨登岸謁長官至十八乃畢事

庭趨始覺身為令隊逐方知口是戎事上敬非求獲上自公勤即習從公固應每事問先進敢負初心忘習功冊載不耕

宜害稼可能情竭慈生道

九月朔用天長崇琴川相林陳夢雲鳳飛見贈出都原韻代  
東寄都門袁浦邗上白門吳門武林諸遊好

識字已自櫻憂患不涉畏涉途豈壯夫翳余少恥不詳卅年  
任事遠偷儒時為閭閻說疾苦有如村媪眩璣珠居今稽古  
笑狂簡曳踵矩步安迂拘食藿姿化塵客走同志望屬蒼生  
蘇詎謂己齒何算列弛負却為胥靡徒修唐惟事亭：立昧  
爽自謂習盈：趨與波沉：醜欲吸餘暉藹：雲猶孤流亡  
滿地皆菜色郡邑大半為災區移粟不給卒歲謀共嘆抱金  
同守株蒿目亦知堂可處挾策空思世實需因敗為功默予

寸用爾何以難自誣鉛刀奚能割錯節駕馬幸未供載驅欣  
逐隊罷亭午餘陰足與鉛槧俱不負朝雲兼暮雨滕王高閣  
天下無

